

# KERTAS MODEL SPM

## BAHASA MELAYU

### KERTAS 1

#### CADANGAN JAWAPAN KERTAS 1 DAN KERTAS 2 BAHASA MELAYU (1103)

PERINGKAT	BAHAGIAN A	PERINGKAT	BAHAGIAN B
<b>Cemerlang</b>  28 – 30 26 – 27	T – Menepati tugas I – Relevan, huraian jelas dan matang. B – Gramatis dari segi kata dan ayat, kosa kata luas dan tepat. P – Menarik dan berkesan	<b>Cemerlang</b>  68 – 70 64 – 67	T – Menjawab tugas I – Relevan, huraian jelas dan matang, contoh yang sesuai. B – Gramatis dari segi kata dan ayat. Kosa kata luas dan tepat. P – Sangat menarik dan berkesan
<b>Kepujian</b>  23 – 25 20 – 22	T – Menepati tugas I – Relevan, huraian jelas B – Gramatis dari segi kata dan ayat. Kosa kata luas dan tepat. P – Menarik	<b>Kepujian</b>  59 – 63 55 – 58	T – Menjawab tugas I – Relevan, huraian jelas dan contoh sesuai. B – Ayat gramatis dari segi kata dan ayat. Kosa kata luas dan tepat. P – Menarik dan berkesan
		<b>Baik</b>  50 – 54 45 – 49	T – Masih menjawab tugas I – Masih relevan, huraian masih jelas, contoh sesuai. B – Gramatis dari segi kata dan ayat tetapi ada kesalahan yang minimum, kosa kata umum. P – Masih menarik
<b>Memuaskan</b>  17 – 19 15 – 16	T – Menepati tugas I – Masih relevan, Huraian masih jelas. B – Masih gramatis dari segi kata dan ayat, kosa kata terhad. P – Masih menarik	<b>Memuaskan</b>  40 – 44 35 – 39	T – Masih menjawab tugas I – Masih relevan, huraian kurang jelas, contoh kurang sesuai. B – Kurang gramatis, kosa kata umum dan terhad. P – Kurang menarik

PERINGKAT	BAHAGIAN A	PERINGKAT	BAHAGIAN B
<b>Penguasaan Minimum</b>  12 – 14 10 – 11	T – Kurang menepati tugas I – Kurang relevan, huraian kurang jelas B – Kurang gramatis dari segi kata dan ayat. Kosa kata terhad. Kesalahan ejaan yang ketara. P – Kurang menarik	<b>Penguasaan Minimum</b>  28 – 34 21 – 27	T – Kurang menjawab tugas I – Masih relevan, huraian tidak jelas dan tidak berkembang. Contoh tidak sesuai. B – Tidak gramatis tetapi masih boleh difahami. P – Tidak menarik
<b>Tidak Mencapai Tahap Penguasaan Minimum / TPM</b>  6 – 9 1 – 5	Calon tidak menunjukkan penguasaan kemahiran menulis.	<b>Tidak Mencapai Tahap Penguasaan Minimum / TPM</b>  11 – 20 01 – 10	Calon tidak menunjukkan penguasaan kemahiran menulis.  Keseluruhannya menunjukkan penggunaan kata dan ayat yang tidak gramatis. Idea bercampur aduk, huraian tidak jelas dan contoh yang tidak sesuai.

### KERTAS MODEL SIJIL PELAJARAN MALAYSIA SET 1

#### KERTAS 1

SOALAN	CADANGAN ISI
<b>Bahagian A</b>	<p><b>Pendahuluan</b></p> <p>Rumah pasang siap merupakan salah satu sistem pembinaan rumah atau bangunan yang dinamakan Sistem Bina Berindustri atau Rumah IBS – bangunan jenis ini mendapat tempat dalam kalangan pembina dan para pembeli – terdapat banyak manfaat yang diperoleh daripada jenis rumah IBS</p> <p><b>Isi 1</b></p> <p>Lebih menjimatkan kos dan proses pembuatannya lebih cepat – ramai pembeli yang mahu memiliki aset tersebut dengan segera – oleh itu, kontraktor pada masa ini lebih memilih untuk memilih pembinaan kategori IBS seperti kerangka kayu, sistem blok dan sistem acuan – jelaslah bahawa kos dan waktu pembuatan yang cepat menjadi sebab utama jenis binaan ini mendapat perhatian pembeli</p> <p><b>Isi 2</b></p> <p>Selain itu, kualitinya lebih ringan dan kukuh – bukan itu sahaja jenis binaan ini juga tidak memerlukan tenaga kerja yang ramai – hal ini dikatakan demikian kerana hanya menggunakan jenis konkrit pratuang, kerangka keluli dan kerangka kayu – jenis ini lebih memudahkan pekerja – sudah terang lagi bersuluh manfaat ini merupakan penyebab ramai kontraktor lebih tertarik untuk mendirikan bangunan ini</p> <p><b>Kesimpulan</b></p> <p>Binaan bangunan yang menggunakan prapasang dan disiapkan separa di kilang dalam keadaan terkawal dan diselia lebih memudahkan pelbagai pihak – menjimatkan masa pelbagai pihak – masa itu emas – menggalakkan belia kini terlibat dalam industri yang semakin maju – memajukan ekonomi negara menerusi sektor pembinaan</p>

SOALAN	CADANGAN ISI
<p><b>Bahagian B</b></p> <p><b>Soalan 1</b></p>	<p><b>Pendahuluan</b></p> <p>Budaya membaca budaya mulia – slogan ini sering disebarkan di media massa untuk menggalakkan masyarakat mengamalkan budaya membaca – oleh yang demikian pelbagai inisiatif dilaksanakan oleh kerajaan termasuklah dengan penganjuran Pesta Buku Antarabangsa Kuala Lumpur (PBAKL) pada setiap tahun – penganjurannya mendapat sambutan daripada pelbagai lapisan umur – hal ini dikatakan demikian kerana, terdapat pelbagai manfaat daripada penganjuran PBAKL kepada generasi muda</p> <p><b>Isi 1</b></p> <p>Membolehkan generasi muda meluangkan masa dengan perkara berfaedah – saban hari negara digemparkan dengan gejala sosial yang semakin membimbangkan ramai pihak – penganjuran PBAKL boleh menjadi usaha dominan untuk memberikan peluang kepada pelajar-pelajar sekolah yang tidak mempunyai aktiviti khusus terutamanya pada hujung minggu – boleh juga menambahkan ilmu pengetahuan tentang isu semasa dan mengukuhkan tahap IQ mereka terhadap mata pelajaran menerusi pembacaan</p> <p><b>Isi 2</b></p> <p>Menjadikan generasi muda gemar membaca – mengelakkan peratusan kadar buta huruf terus meningkat – hal ini dikatakan demikian kerana ramai dalam kalangan murid pada masa ini lebih gemar menggunakan gajet yang menyebabkan penguasaan literasi dan numerasi tidak memuaskan – justeru, ibu bapa dan guru perlulah menjadikan PBAKL sebagai medium ampuh untuk mengatasi masalah ini</p> <p><b>Isi 3</b></p> <p>Membekalkan generasi muda dengan persediaan menjadi pemimpin yang berilmu – hal ini dikatakan demikian kerana pelbagai genre buku yang boleh didapati di PBAKL sebagai bahan pembacaan – sebagai contoh, buku-buku pengurusan kepimpinan dan pengurusan emosi dalam kalangan tokoh – amalan ini juga boleh membekalkan generasi muda dengan sikap profesional – menjadikan generasi lebih rasional dan matang dalam tindak-tanduk – tidak hanya terpengaruh dengan media sosial semata-mata namun menjadikan pembacaan sebagai asas dalam tindakan</p> <p><b>Kesimpulan</b></p> <p>Penganjuran PBAKL sememangnya memberikan implikasi positif kepada generasi muda – penghargaan yang telah diberikan oleh UNESCO kepada Kuala Lumpur pada 2020 perlulah dijadikan pembakar semangat kepada masyarakat untuk terus mengamalkan amalan murni ini – para penerbit buku juga diharapkan terus bergiat aktif dalam proses percetakan pelbagai genre bacaan agar generasi muda tidak terus hanyut dengan kemodenan arus teknologi – jika tidak dipecahkan ruyung, manakan dapat sagunya</p>

SOALAN	CADANGAN ISI
<p><b>Soalan 2</b></p>	<p><b>Pendahuluan</b>            Salutasi – Salam sejahtera saya ucapkan kepada Ketua Pengarah Eksekutif Karnival Asas Tani Peringkat Daerah Jasin, Dato’ Zulfakar bin Haji Hussin – terlebih dahulu saya ingin mengucapkan terima kasih kerana diberikan peluang menyampaikan ucapan dalam majlis ini</p> <p>Penanaman Rosel atau nama saintifiknya <i>Hibiscus Sabdariffa</i> yang terkenal dengan khasiat telah berkembang menjadi pelbagai produk untuk tujuan kesihatan – dijadikan kordial, acar dan halwa – mempunyai khasiat yang tinggi dengan zat vitamin C – tumbuhan ini juga dikatakan amat bernilai kerana dikatakan mampu menandingi kebaikan pokok kelapa atau buluh yang dikatakan serba guna – tumbuhan ini perlu terus dikomersialkan dengan cara yang betul</p> <p><b>Isi 1</b>            Produk dipasarkan secara segar ke pasaran terkemuka dan menjadikannya sebagai produk – dengan cara ini produk ini akan terus berkembang dan boleh digunakan oleh khalayak – pengusaha IKS juga boleh dinasihatkan untuk mempelbagaikan produk Rosel seperti kek, kuih dan produk pengetinan yang mendapat tempat dalam kalangan masyarakat – justeru itu, pengusaha IKS perlulah mengambil peluang untuk menghadiri kursus-kursus yang ditawarkan oleh pihak kerajaan – mengembangkan potensi perniagaan</p> <p><b>Isi 2</b>            Pengusaha memohon modal daripada Pertubuhan Peladang Kawasan (PPK) – banyak sumber kewangan yang diperuntukkan untuk membantu peniaga di negara ini – pengusaha perlu rajin untuk mencari peluang – banyak maklumat boleh diperolehi di media sosial hanya di hujung jari tanpa perlu berbaris panjang di kaunter – setiap tahun ada banyak peruntukan yang disediakan menerusi belanjawan negara – perkara ini memberikan manfaat kepada pengusaha namun mereka dinasihatkan untuk tidak mensia-siakan bantuan seperti melepaskan batuk di tangga</p> <p><b>Isi 3</b>            Pengusaha mendapatkan bantuan daripada Bank Pertanian Malaysia – bantuan tersebut untuk mengembangkan potensi perusahaan – terdapat pelbagai bentuk bantuan perniagaan yang tersedia – sebagai contoh Program TERAJU Smart Farming, Program Pembiayaan Input Pengeluaran Agromakanan, Program AGRO YES 2.0 dan Program Pembiayaan Mudah Tanam Semula – menyediakan kemudahan pembiayaan khusus disasarkan untuk usahawan muda dalam sektor pertanian menghasilkan pendapatan progresif dan berdaya saing – terus berkunjung ke cawangan bank pertanian berdekatan</p> <p><b>Kesimpulan</b>            Terdapat banyak cara lagi untuk mengkomersialkan tanaman seperti rozel – sekiranya tidak jelas boleh berkunjung ke Lembaga Pemasaran Pertanian Persekutuan (FAMA) untuk mendapatkan maklumat – pengusaha juga dinasihatkan terus mencari peluang yang disediakan bagi mengembangkan perusahaan ke peringkat yang lebih tinggi – di mana ada semut di situ ada gula</p>

**Soalan 3****Pendahuluan**

Revolusi Industri 4.0 atau lebih dikenali sebagai IR 4.0 ialah kemajuan yang banyak dipengaruhi oleh persekitaran baharu – memberikan cabaran baharu kepada semua sektor untuk melibatkan teknologi dalam proses pembuatan – banyak manfaat yang diperoleh negara menerusi IR 4.0 – golongan muda juga dinasihatkan untuk menceburkan diri dalam revolusi ini – apakah persediaan-persediaan yang boleh dilakukan oleh mereka?

**Isi 1**

Golongan muda perlu mendapatkan latihan tenaga kerja mahir dalam kemahiran yang diperlukan – kebergantungan industri terhadap sumber manusia bakal digantikan dengan sumber teknologi – tenaga manusia akan berkurangan pada masa hadapan – peluang individu yang memiliki kemahiran teknologi akan lebih luas – sebagai contoh aplikasi pintar dan jurutera program dan pakar teknologi – kerajaan boleh mempertingkatkan peruntukan untuk membangun dan menyediakan lebih banyak program latihan di institut pengajian tinggi – lebih ramai golongan muda tertarik untuk melibatkan diri dalam sektor ini

**Isi 2**

Golongan muda juga perlu menambahkan kecekapan pengurusan dan kos sesebuah organisasi – mereka akan terlibat sebagai pemain industri jadi perlu memberikan komitmen yang padu – mampu membantu industri mencapai tahap daya saing yang konsisten menerusi pengurusan operasi dan pengurangan kos – turut memberikan impak besar terhadap keperluan sumber manusia – industri perlu menganalisis kebolehan dalam mengadaptasi teknologi serta kesan jangka panjang dalam usaha mengubah corak penghasilan produk

**Isi 3**

Golongan muda perlu menguasai pelan ekonomi yang dibangunkan oleh pihak kerajaan – supaya bukan sekadar menjadi pelaksana malah mengembangkan potensi kepada individu yang bijak mencari peluang dalam bidang berkenaan – sebagai contoh, mereka perlu juga mengetahui cara pemotongan terhadap perbelanjaan syarikat bagi membangun dan meningkatkan kemahiran pekerja-pekerja TVET – boleh mendalami semua ilmu ini menerusi kursus-kursus yang disediakan oleh kerajaan dari masa ke masa – pihak kerajaan juga perlu sentiasa mewartarkannya kepada generasi muda agar dilihat sebagai organisasi yang serius memikirkan masa depan aset negara – menarik lebih ramai pelabur

**Kesimpulan**

Pelbagai persediaan lain yang boleh dilakukan oleh generasi muda sebelum menceburkan diri dalam bidang ini – setiap organisasi juga perlu melakukan perubahan seiring dengan transformasi digital untuk kekal berdaya saing – aspirasi negara untuk menjadi negara berwawasan berjaya sekali gus dapat menyelesaikan masalah kemiskinan, pengangguran, ketidaksamaan agihan, kos sara hidup dan menjamin kestabilan ekonomi – tepuk dada tanya selera

## Soalan 4

**Pendahuluan**

Hospitaliti dan industri pelancongan adalah salah satu industri terbesar dan paling pesat berkembang di negara ini – menarik ramai pelancong baik dari dalam atau luar negara untuk melawat Malaysia yang mempunyai pelbagai khazanah unik – mereka suka untuk menginap di hotel-hotel yang berkonsepkan hutan rimba yang menenangkan – dengan isu alam sekitar, ramai pelancong mengutamakan penggunaan teknologi hijau bagi tujuan mengurangkan impak terhadap alam sekitar – pengusaha hotel dan pusat peranginan juga diminta untuk menerima dan mengaplikasikan pengurusan alam sekitar yang proaktif

**Isi 1**

Ciri sektor pelancongan hijau termasuklah memilih konsep percutian mereka dengan berjalan kaki, menggunakan basikal atau hanya dengan menggunakan pengangkutan awam – mereka boleh menikmati keindahan alam sekitar dan udara yang nyaman – meluaskan pemandangan di samping mendidik generasi muda tentang pentingnya menjaga alam sekitar – generasi muda akan lebih menyayangi dan menghargai ekosistem – boleh memberikan ilmu tambahan dan mengaplikasikan pembelajaran di sekolah menerusi mata pelajaran seperti Pendidikan Moral dan Sains

**Isi 2**

Ciri seterusnya termasuklah berjimat dalam penggunaan air, elektrik dan tenaga yang tidak boleh diperbaharu – ibu bapa perlu menanamkan amalan murni ini kepada anak-anak agar kebaikan tersebut dibawa juga sehingga ke rumah – boleh menjadikan lebih ramai masyarakat di negara ini mempunyai sikap tanggungjawab terhadap perkara-perkara yang dilihat tidak memberikan kesan buruk kepada bumi tetapi sebenarnya boleh menipiskan lapisan ozon – sebagai contoh, sumber elektrik perlu dinyahaktifkan selepas digunakan atau ketika hendak meninggalkan bilik tidur di hotel, tidak menggunakan suhu penyaman udara yang terlalu tinggi serta menutup suis-suis lampu di dalam bilik hotel pada waktu siang – perkara itu bukan sahaja boleh mendisiplinkan anak-anak tetapi menyelamatkan bumi daripada terus menjadi mangsa kemajuan teknologi

**Isi 3**

Mengurangkan penghasilan sampah – membawa atau membeli peralatan mesra alam seperti botol air pakai ulang, beg beli-belah dan penyedut minuman – boleh digunakan pada masa akan datang – tidak terus membuangnya selepas digunakan – menyelamatkan hidupan dan mengurangkan kuantiti sampah yang terhasil di kawasan penginapan ketika percutian – contohi negara-negara luar yang sudah lama mengamalkannya – jika bukan kita, siapa lagi yang boleh menyelamatkan bumi tercinta ini?

**Kesimpulan**

Banyak lagi ciri pelancongan hijau – masyarakat dinasihatkan terus mengambil tahu, menyokong, dan menyertai kegiatan setempat yang berkaitan dengan pelestarian alam sekitar – gotong-royong atau aktiviti yang dianjurkan oleh Trash Hero – sebagai pelancong juga perlu ada sikap tanggungjawab dalam penjagaan alam sekitar – bukan untuk berseronok sahaja

**KERTAS 2**

SOALAN	JAWAPAN	Markah
<p><b>Bahagian A:</b></p> <p><b>Soalan 1</b> <b>Morfologi</b></p>	<p><b>Kata bantu</b></p> <ul style="list-style-type: none"> <li>– telah</li> <li>– akan</li> <li>– belum</li> <li>– mahu</li> </ul> <p>Dua ayat :</p> <ul style="list-style-type: none"> <li>– Aiman telah pulang ke kampung.</li> <li>– Dahlia akan menduduki peperiksaan SPM tidak lama lagi.</li> </ul> <p><b>Kata penguat</b></p> <ul style="list-style-type: none"> <li>– sangat</li> <li>– amat</li> <li>– ter-</li> <li>– paling</li> </ul> <p>Dua ayat :</p> <ul style="list-style-type: none"> <li>– Zarif sangat gembira kerana dapat bertemu idolanya.</li> <li>– Masakan ibu yang paling sedap.</li> </ul> <p>nota:</p> <ul style="list-style-type: none"> <li>• telah – kata yang menyatakan perbuatan dan lain-lain yang lampau (sempurna, selesai), sudah</li> <li>• akan – untuk menyatakan sesuatu kemungkinan, untuk menyatakan jangkaan tentang sesuatu</li> <li>• belum – masih tidak, lawan sudah</li> <li>• mahu – hendak, akan (keinginan, tujuan)</li> </ul> <p style="text-align: right;"><b>[Maksimum markah: 8 markah]</b></p>	<p>1</p> <p>1</p> <p>2</p> <p>1</p> <p>1</p> <p>2</p>
<p><b>Soalan 2</b> <b>Sintaksis</b></p>	<ul style="list-style-type: none"> <li>– <u>Perniagaan yang terus beroperasi ketika fasa Pelan Pemulihan Negara (PPN) menyokong penambahan jawatan itu.</u> Ayat pasif : Penambahan jawatan itu disokong oleh perniagaan yang terus beroperasi ketika fasa Pelan Pemulihan Negara (PPN).</li> <li>– <u>Liputan vaksinasi yang meluas telah mendorong pengembangan aktiviti global dan domestik.</u> Ayat pasif : Pengembangan aktiviti global dan domestik telah didorong oleh liputan vaksinasi yang meluas.</li> <li>– <u>Sektor pembuatan dan perkhidmatan terus merekodkan pertumbuhan positif sebanyak 3.6 peratus dan 1.9 peratus.</u> Ayat pasif : Pertumbuhan positif sebanyak 3.6 peratus dan 1.9 peratus terus direkodkan oleh sektor pembuatan dan perkhidmatan.</li> </ul> <p style="text-align: right;"><b>[Maksimum markah: 6 markah]</b></p>	<p>2</p> <p>2</p> <p>2</p>

SOALAN	JAWAPAN	Markah	
Soalan 3 Penyuntingan	<b>Bahan 1</b>		
	<b>Salah</b>	<b>Betul</b>	
	Jawatan Kuasa	Jawatankuasa	1
	disantuni	menyantuni	1
	ialah	adalah	1
	di kalangan	dalam kalangan	1
	kebanyakkan	kebanyakan	1
	canggung	canggung	1
	<b>[Maksimum markah: 6 markah]</b>		
	<b>Bahan 2</b>		
	<b>Salah</b>	<b>Betul</b>	
	ONLINE	DALAM TALIAN	1
	gandakan	menggandakan	1
	apa sahaja	apa-apa sahaja	1
terbaru	terbaharu	1	
memaksimakan	memaksimumkan	1	
<b>[Maksimum markah: 5 markah]</b>			
Soalan 4 Bahasa Melayu Standard	<p>Selepas empat puluh dua tahun lamanya Sultan Muzaffar Syah mentadbir pemerintahan kerajaan, akhirnya baginda mangkat. Anakanda baginda yang bernama Raja Abdullah yang kini mendapat gelaran, Sultan Mansur Syah telah menggantikan baginda untuk memerintah kerajaan, pada usia dua puluh tujuh tahun. Pada ketika itu Sultan Mansur Syah memperisterikan anak Seri Nara Diraja yang Bernama Tun Patih Nur Pualam; serta mempunyai anak hasil hubungan bersama seorang gundik yang bernama Puteri Bakal.</p> <p style="text-align: right;"><b>[Maksimum markah: 4 markah]</b></p>	4	
Soalan 5 Peribahasa	<p>(i) kecil jangan disangka anak, <u>besar jangan disangka bapa</u></p> <p>(ii) kalau takut dilambung ombak, <u>jangan berumah di tepi pantai</u></p> <p>(iii) hujan emas di negeri orang, <u>hujan batu di negeri sendiri, lebih baik di negeri sendiri.</u></p> <p style="text-align: right;"><b>[Maksimum markah: 6 markah]</b></p>	2 2 2	
Bahagian B:  Soalan 6 Petikan Umum	<p>(i) penentuan / penetapan / pengkhususan seterusnya / berikutnya</p> <p style="text-align: right;"><b>[Maksimum markah: 2 markah]</b></p> <p>(ii) Persamaan sesuatu akta pekerjaan itu diwartakan:</p> <p><b>Bahan 1</b> – Akta Kerja 1955 Pindaan 2022 bagi memastikan status pekerjaan anda tidak ditindas dan diancam sewenang-wenangnya oleh majikan.</p> <p><b>Bahan 2</b> – Akta Keselamatan dan Kesihatan Pekerjaan 1994 bagi menjamin keselamatan, kesihatan dan kebajikan orang-orang yang sedang bekerja, bagi melindungi orang lain terhadap risiko kepada keselamatan atau kesihatan berkaitan dengan aktiviti di tempat kerja mereka, menubuhkan Majlis Negara bagi Keselamatan dan Kesihatan Pekerjaan dan yang berkaitan dengannya.</p> <p style="text-align: right;"><b>[Isi cukup: 2]</b> <b>[Markah bahasa : 1 markah]</b></p>	2  1 1	

SOALAN	JAWAPAN	Markah
	<p>(iii) Langkah-langkah yang boleh dilakukan oleh seseorang pekerja untuk mengelakkan diri daripada dibelenggu masalah kesihatan mental:</p> <ul style="list-style-type: none"> <li>– Menjalani gaya hidup sihat seperti mendapatkan rehat yang cukup dan senaman ringan <span style="float: right;">1</span></li> <li>– Mengamalkan pemakanan yang seimbang mengikut piramid makanan <span style="float: right;">1</span></li> <li>– Mempunyai teman untuk berbual supaya boleh berkongsi masalah yang dihadapi <span style="float: right;">1</span></li> <li>– Berjumpa dengan pakar psikologi sekiranya mempunyai simptom negatif pada diri <span style="float: right;">1</span></li> <li>– Mendekatkan diri dengan agama supaya mempunyai kekuatan dalaman <span style="float: right;">1</span></li> <li>– Banyakkan membaca buku-buku motivasi dan kitab suci seperti al-Quran <span style="float: right;">1</span></li> </ul> <p style="text-align: right;">[Isi cukup: 2] [Markah bahasa : 1 <i>markah</i>]</p> <p>(iv) Sebagai rakan yang bertanggungjawab, saya akan:</p> <ul style="list-style-type: none"> <li>– Mendengar luahan perasaan yang terbuka dalam dirinya <span style="float: right;">1</span></li> <li>– Memberikan nasihat dan sokongan moral kepadanya untuk menyelesaikan perkara mengikut cara yang betul <span style="float: right;">1</span></li> <li>– Mengajak dia berjumpa dengan pakar psikologi untuk menyelesaikan masalahnya <span style="float: right;">1</span></li> <li>– Membawanya ke pusat zakat atau membuat kutipan <span style="float: right;">1</span></li> <li>– Sumbangan dalam kalangan pekerja di pejabat <span style="float: right;">1</span></li> <li>– Mencadangkan kepada majikan untuk mempertimbangkan keputusan pemecatan tersebut dibatalkan <span style="float: right;">1</span></li> </ul> <p style="text-align: right;">[Isi cukup: 3] [Markah bahasa : 1 <i>markah</i>]</p>	
<p><b>Soalan 7</b> <b>Petikan</b> <b>Sastera</b></p>	<p>(i) telah selesai <span style="float: right;">2</span></p> <p style="text-align: right;">[Maksimum markah: 2 <i>markah</i>]</p> <p>(ii) Sikap-sikap yang dimiliki masyarakat:</p> <p><b>Bahan 1</b> – Sanggup diperalat Parti Komunis Malaya dan sanggup menjual agama dan bangsa kepada komunis <span style="float: right;">1</span></p> <p><b>Bahan 2</b> – Tidak mahu berjuang <span style="float: right;">1</span></p> <ul style="list-style-type: none"> <li>– Sebaliknya hanya berserah dengan cara baik tangkap ikan, duduk di warung kopi, lepas itu mengelamun tak menentu <span style="float: right;">1</span></li> </ul> <p style="text-align: right;">[Isi cukup: 2] [Markah bahasa : 1 <i>markah</i>]</p> <p>(iii) Kesan sekiranya masyarakat kini tidak memperjuangkan tanah air:</p> <ul style="list-style-type: none"> <li>– Kemerdekaan negara akan dirampas oleh penjajah <span style="float: right;">1</span></li> <li>– Kemakmuran negara akan musnah pada bila-bila masa sahaja <span style="float: right;">1</span></li> <li>– Rakyat akan berpecah belah dan boleh mengakibatkan pergaduhan sesama sendiri <span style="float: right;">1</span></li> <li>– Ekonomi negara merudum dan kuasa-kuasa di negara ini beralih kepada penjajah kembali <span style="float: right;">1</span></li> </ul> <p style="text-align: right;">[Isi cukup: 3] [Markah bahasa : 1 <i>markah</i>]</p>	



SOALAN	JAWAPAN	Markah
	<ul style="list-style-type: none"> <li>– Peristiwa Seman yang sering memukul dan mendera isteri dan anak-anaknya. Seman digambarkan sebagai seorang lelaki yang kaki pukul, kaki judi, kaki botol dan kaki perempuan. Peristiwa ini menyebabkan kemarahan pembaca kerana golongan wanita dan kanak-kanak tidak sepatutnya dilayan sedemikian rupa kerana mereka golongan yang lemah.</li> </ul>	3
	<p><b>(d) <i>Pantai Kasih karya Azmah Nordin</i></b></p> <ul style="list-style-type: none"> <li>– Peristiwa Sister Felicia yang memberi layanan buruk kepada salah seorang ibu pesakit. Sister Felicia dengan kasarnya memanggil ibu Unong Siron dengan panggilan ‘sapi tua’. Peristiwa ini menimbulkan kemarahan pembaca kerana sebagai penjawat awam kita sepatutnya mengamalkan etika profesionalisme ketika berhadapan dengan orang awam walaupun sedang menghadapi masalah.</li> </ul>	3
	<ul style="list-style-type: none"> <li>– Peristiwa Dr. Sadiz mengarahkan isterinya, Dr. Raiha menggugurkannya kandungannya kerana bayi yang bakal lahir itu didapati OKU. Dr. Sadiz berasa malu dengan keadaan anaknya dan bimbang jika masyarakat memandang mereka serong. Peristiwa ini menimbulkan kemarahan pembaca kerana sebagai ibu bapa sepatutnya reda dengan amanah yang diberikan oleh Allah dan perlu menjaga amanah tersebut dengan baik bukannya menggugurkan kandungan.</li> </ul>	3
	<p><b>(e) <i>Songket Berbenang Emas karya Khairuddin Ayip</i></b></p> <ul style="list-style-type: none"> <li>– Peristiwa Saleha bergelut dengan emosi dan murung di Hospital Permai. Semasa sakit itu, Saleha digambarkan sebagai seorang yang suka bersendirian dan menghadapi situasi yang sukar. Peristiwa ini menimbulkan kemarahan pembaca kerana kesukaran melalui detik-detik diri menghadapi penyakit itu memerlukan sikap sokongan orang sekeliling namun dia seolah-olah tidak mendapat sokongan.</li> </ul>	3
	<ul style="list-style-type: none"> <li>– Peristiwa ada segelintir penduduk kampung yang tidak mahu bekerjasama membina semula rumah Embong yang telah musnah akibat dihanyutkan oleh banjir. Peristiwa ini menimbulkan kemarahan pembaca kerana pada masa sekarang nilai kemanusiaan dalam kalangan masyarakat sudah sukar dilihat dan nilai murni ini perlulah dicontohi oleh masyarakat di luar sana.</li> </ul>	3
	<p><b>(f) <i>Tirani karya Beb Sabariah</i></b></p> <ul style="list-style-type: none"> <li>– Peristiwa zaman kanak-kanak Waheeda yang sering dicemuh kerana memiliki wajah tidak menarik. Walau bagaimanapun, keadaannya berubah sehinggalah dia memenangi pertandingan Ratu Pelancongan Antarabangsa. Peristiwa ini menimbulkan kemarahan kerana kita tidak sepatutnya memandang rendah terhadap kekurangan orang lain.</li> </ul>	3
	<ul style="list-style-type: none"> <li>– Peristiwa Waheeda mendapatkan rawatan penyakit kemurungan di Pusat Rawatan Islam. Rawatan itu ditemani oleh ahli keluarganya. Peristiwa menimbulkan kemarahan pembaca kerana di luar sana masih ada yang mengabaikan ahli keluarga dalam keadaan sukar itu.</li> </ul>	3
	<p><b>(g) <i>Bimasakti Menari karya Sri Rahayu Mohd Yusop</i></b></p> <ul style="list-style-type: none"> <li>– Peristiwa Johan Arlingtod yang diganggu ketika sesi pembentangan terbuka projek yang diusahakan oleh Nurul Hafsa dan Muhammad Taufik. Disebabkan dendam dan sikap tamak untuk menguasai tender perniagaan, mereka sanggup berbuat apa-apa sahaja. Peristiwa ini menimbulkan kemarahan pembaca kerana menjadi teguran supaya tidak mengulangi perkara yang sama kerana perkara buruk akan menimpa seseorang yang bersikap dendam.</li> </ul>	3

SOALAN	JAWAPAN	Markah
	<p>– Peristiwa Nurul Hafsa yang dijadikan umpan untuk menculik Muhammad Taufik sehingga berlakunya kejadian penculikan oleh sekumpulan penjahat. Peristiwa ini menimbulkan kemarahan kerana peristiwa itu menunjukkan kegiatan negatif seperti penculikan kerana boleh menjejaskan pelbagai pihak.</p> <p><b>(h) Silir Daksina karya Nizar Parman</b></p> <p>– Peristiwa Haiqal tidak dibenarkan oleh uminya untuk melawati ayahnya yang berada di Kampung Sri Purnama, Batu Pahat. Walaupun Haiqal hanya sempat bertemu ayahnya ketika dia darjah enam, Haiqal tetap dilarang berjumpa ayahnya itu oleh sebab dendam umminya itu. Peristiwa ini menimbulkan kemarahan kerana sebagai seorang ibu yang berhati lembut, dia tidak sepatutnya menghalang hubungan antara ayah dan anak.</p> <p>– Peristiwa umi, Walid dan adik tiri Haiqal datang semasa persembahan tarian zapin oleh Haiqal di Batu pahat. Walaupun umi tidak membenarkan Haiqal ke Batu Pahat, tetapi akhirnya dia memberi restu dengan cara menyaksikan sendiri persembahan tersebut. Peristiwa ini memberikan kemarahan kepada pembaca kerana ibu merupakan individu yang akan menyokong tindak tanduk anaknya lebih-lebih lagi perkara itu adalah sesuatu yang berfaedah bukannya menghalang potensi anak.</p> <p style="text-align: right;"><b>[Maksimum markah: 6 markah]</b></p>	<p>3</p> <p>3</p> <p>3</p>
<p><b>Bahagian C</b> <b>Soalan 9</b> <b>Rumusan</b></p>	<p><b>Pendahuluan</b></p> <p>– Rumusan membincangkan punca-punca buli dalam kalangan murid dan langkah-langkah yang boleh diambil untuk mengatasi masalah berkenaan.</p> <p>– Rumusan membincangkan punca-punca buli dalam kalangan murid.</p> <p><b>Isi-isi</b></p> <p><b>Bahan 1 (F1) Punca-punca buli dalam kalangan murid:</b></p> <p>– Berpunca daripada keharmonian keluarga mereka sendiri 2</p> <p>– Kekurangan kasih sayang atau perhatian apabila di rumah menjadi sebab mereka melepaskan tekanan tersebut menerusi aktiviti membuli murid lain 2</p> <p>– Pengaruh televisyen dan media massa yang seolah-olah tiada tapisan 2</p> <p>– Faktor umur yang semakin menaik menjadikan seseorang itu ingin menunjukkan kekuatannya dengan menjadi pembuli hasil pengaruh daripada filem-filem tempatan 2</p> <p><b>Bahan 1 (F2) Langkah-langkah mengatasi gejala buli</b></p> <p>– Penganjur seni dan stesen televisyen hendaklah memaparkan keindahan dan kemakmuran serta kekayaan budi bahasa rakyat kita dengan lebih banyak 2</p> <p>– Mereka juga seharusnya menjalankan tanggungjawab sosial dalam membantu membina masyarakat yang bahagia dan harmoni 2</p> <p>– Ibu bapa juga hendaklah bertanggungjawab mengenali anak-anak mereka dan mendidik mereka dengan keperibadian mulia dan unggul 2</p> <p>– Institusi kekeluargaan berperanan penting dalam mengambil berat segala aspek kehidupan generasi kini 2</p> <p>– Ibu bapa hari ini juga perlu lebih bersedia dalam ilmu mendidik anak muda 2</p> <p><b>Bahan 2 (F1) – Punca-punca buli dalam kalangan murid:</b></p> <p>– Ingin berseronok dan mencapai kepuasan. 2</p> <p>– Mengalami gangguan mental. 2</p> <p>– Ingin menunjukkan kekuasaan dan menguasai orang lain. 2</p> <p>– Merupakan aktiviti sesuatu kumpulan seperti gangsterisme 2</p>	<p>2</p> <p>2</p> <p>2</p> <p>2</p> <p>2</p> <p>2</p> <p>2</p> <p>2</p> <p>2</p> <p>2</p> <p>2</p> <p>2</p> <p>2</p> <p>2</p> <p>2</p>

SOALAN	JAWAPAN	Markah
	<b>Bahan 3 (F1) – Langkah-langkah mengatasi gejala buli</b> – Carilah seorang sahabat yang boleh mengadu masalah – Carilah seorang kawan yang setiwakan	2 2
	<b>Kesimpulan</b> Kesimpulannya, gejala buli dalam kalangan murid perlu dibanteras dengan segera agar institusi pendidikan negara semakin maju	2
<b>[Maksimum markah: 30 markah]</b>		

### KERTAS 3

#### **Bahagian A : Taksiran Individu**

- 1 Tarian yang terkenal di Malaysia mengikut kaum ialah tarian zapin yang terkenal dalam kalangan masyarakat Melayu, tarian bharatanatyam sangat popular dalam kalangan masyarakat India, dan tarian naga bagi kaum Cina.
- 2 Tarian naga sangat terkenal dalam kalangan bangsa Cina pada suatu masa dahulu kerana rakyat berfikir naga boleh menguruskan air hujan, maka rakyat sentiasa berdoa kepada naga untuk turunkan hujan pada musim kemarau, dan kemudian menjadi aktiviti budaya dan rekreasi.
- 3 Dua kebaikan mengekalkan warisan budaya bangsa ini ialah warisan budaya kita telah banyak menyumbang dalam sektor ekonomi, terutamanya sektor perlancongan yang telah meningkat pembangunannya dari tahun ke tahun disebabkan oleh kedatangan pelancong asing untuk melihat sendiri keunikan budaya masyarakat di negara kita. Contohnya, persembahan teater tradisional seperti bangsawan, makyung dan tarian seperti kuda kepang dan gawai. Selain itu, warisan budaya penting untuk dikekalkan demi kesinambungan tamadun kita. Melalui budaya tradisional, kita dapat mengetahui asal usul kita dan cara hidup masyarakat kita yang unik dan penuh dengan kepelbagaian.
- 4 Langkah pertama yang perlu dilaksanakan bagi melestarikan warisan budaya bangsa di Malaysia ialah pihak kerajaan boleh menggunakan platform media massa untuk membuka kembali mata masyarakat yang hilang dibawa arus hiburan negara asing. Dalam masa yang sama, pihak berkuasa juga melalui Kementerian Pendidikan menjadikan warisan seni budaya sebagai salah satu subjek wajib dalam pendidikan di peringkat sekolah rendah atau menengah pasti dapat melestarikannya kerana melentur buluh biarlah dari rebungnya merupakan cara terbaik untuk menyemai minat seseorang terhadap sesuatu perkara adalah melalui pendidikan di peringkat awal. Usaha lain yang wajar untuk dilaksanakan adalah dengan penubuhan institusi seperti Akademi Seni Budaya Dan Warisan Kebangsaan (ASWARA) dan Sekolah Seni di seluruh negara pasti dapat menghasilkan generasi muda yang bakal menyambung legasi penggiat terdahulu. Sebagai contoh, pementasan wayang kulit dan tarian-tarian semakin kurang mendapat undangan atau sambutan.

#### **Bahagian B : Taksiran Kumpulan**

Pelancongan mempunyai pelbagai maksud berdasarkan perspektif dan pandangan seseorang yang terlibat dalam industri pelancongan. Mengikut Persatuan Pelancongan Sedunia (World Tourism Malaysia) pelancongan merupakan aktiviti pengembaraan seseorang individu ke suatu tempat, iaitu keluar daripada persekitaran asal yang menetap tidak lebih daripada satu tahun untuk tujuan rehat, perniagaan dan sebagainya. Menurut Kamus Dewan Edisi Keempat pula melancong bermaksud melawat sambil melihat-lihat atau bersenang-senang dan menggunakan masa lapang di hujung minggu untuk melancong ke kawasan peranginan seperti pantai, kawasan air terjun dan juga menjamu selera di restoran. Pelancongan juga merupakan aktiviti ekonomi yang mampu membawa pendapatan dan manfaat kepada komuniti. Pelancongan merupakan suatu bidang pelaburan yang berperanan dalam pembangunan negara. Oleh itu, mari kita perhalusi kepentingan industri pelancongan terhadap pembangunan ekonomi negara.

Sebagai mukadimah bicara, faedah utama melancong dalam negara sendiri adalah dapat memberi sumbangan yang besar kepada pertumbuhan ekonomi domestik. Melancong dalam negara memberi peluang kepada pelancong untuk melawat destinasi pelancongan tempatan seperti pulau-pulau yang indah, taman negara dan bandar-bandar bersejarah. Contohnya Pulau Redang, Pulau Tioman, dan Pulau Langkawi. Aktiviti ini akan meningkatkan permintaan terhadap perkhidmatan pelancongan tempatan seperti penginapan, restoran dan

pengangkutan. Sebagai contoh, perkembangan industri pelancongan tempatan telah meningkatkan permintaan rumah inap desa. Situasi ini secara tidak langsung membantu ekonomi masyarakat setempat. Dengan meningkatnya jumlah pelancongan tempatan, industri pelancongan akan berkembang dan memberi manfaat kepada rakyat tempatan dengan menyediakan peluang pekerjaan serta meningkatkan pendapatan masyarakat setempat.

Pada nada yang sama, faedah lain yang diperoleh sekiranya kita melancong di kawasan-kawasan pelancongan tempatan ialah kita dapat mengenali budaya dan warisan negara dengan lebih dekat. Dalam konteks ini, Malaysia merupakan sebuah negara yang unik kerana mempunyai masyarakat majmuk yang berbilang kaum dan agama. Namun, kita berjaya hidup dengan harmoni dan telah melahirkan pelbagai jenis budaya dan warisan. Tamsilnya, apabila kita berkunjung ke negeri Melaka, kita dapat melihat budaya Baba Nyonya yang dibesarkan mengikut cara hidup dan upacara agama orang Cina tetapi diubah oleh unsur kemelayuan serta unsur tempatan yang lain. Selain itu, aktiviti melancong ke muzium-muzium juga antara aktiviti menarik yang dapat meningkatkan pengetahuan kita mengenai seni budaya dan warisan tinggalan nenek dan moyang kita. Berdasarkan prakarsa ini, jelaslah bahawa melancong dalam negara dapat membantu masyarakat terutamanya generasi muda untuk mengenali budaya dan warisan negara.

Dari sudut pandang yang berbeza pula, kepentingan melancong dalam negara akan menjimatkan kos dan masa. Dalam menghadapi cabaran ekonomi pada masa kini, kita seharusnya mengukur baju di badan sendiri. Melancong merupakan salah satu istirehat setelah kita berhempas pulas memerah tenaga bekerja pada tempoh masa tertentu. Justeru, melancong dalam negara tidak melibatkan kos perbelanjaan yang tinggi kerana tiada pertukaran mata wang diperlukan dan banyak pilihan untuk kita tentukan aktiviti dan tempat penginapan yang sesuai dengan perbelanjaan kita. Dari segi masa pula, kebanyakan kawasan pelancongan boleh dilawati dengan mudah sama ada menaiki kenderaan persendirian atau pengangkutan awam. Aktiviti pelancongan boleh dilakukan pada masa hujung minggu dan kita tidak perlu mengambil cuti yang panjang untuk melawat tempat yang menarik. Tuntasnya, melancong dalam negara dapat menjimatkan kos dan masa yang kita ada.

Sebagai penutup bicara, pelbagai faedah yang diperoleh sekiranya kita melancong dalam negara kita sendiri kerana hujan emas di negeri orang, hujan batu di negeri sendiri, lebih baik di negeri sendiri. Peribahasa itu jelas menunjukkan bahawa negara kita mempunyai banyak kelebihan berbanding dengan negara lain. Pelbagai jenis pusat pelancongan telah dibangunkan sama ada di kawasan pulau, pantai, tanah tinggi dan juga taman tema yang mampu menarik minat segenap usia masyarakat di Malaysia. Dengan usaha sama pengusaha pelancongan dan agensi kerajaan, promosi untuk melancong dalam negara wajar diperkasa dan menjadi tontonan umum bukan sahaja untuk masyarakat kita tetapi juga tatapan masyarakat global agar hasrat negara menjadikan Malaysia sebagai Tahun Melawat Malaysia 2025 akan tercapai.

## KERTAS 4

### PETIKAN PERTAMA

- 1 Bonda tidak membenarkan penulis ke ibu kota kerana ilmu agama penulis masih cetek dan nipis.
- 2 Bonda bimbang penulis hanyut dibawa arus hedonisme dan modenisme.
- 3 Warna kulit, Bahasa percakapan
- 4 A

### PETIKAN KEDUA

- 1 Amalan membaca dapat menambahkan ilmu dan keyakinan seseorang untuk berhadapan dengan dunia realiti.
- 2 Timbalan Pengerusi Perbadanan Perpustakaan Awam Kedah, Hanif Ghazali.

Bahan ilmiah	Bahan bukan ilmiah
Penerbitan majalah	Cerpen
Bersifat ilmu pengetahuan	Buku-buku cerita
Akademik	Cerita Dongeng

- 4 Dua tindakan yang boleh dilakukan oleh ibu bapa adalah mendidik dan menanam minat membaca, menerapkan amalan membaca dalam kehidupan seharian dan membudayakan amalan mulia ini di hadapan anak-anak di samping mengajak mereka membaca bersama-sama.
- 5 Bapa borek, anak rintik

### PETIKAN KETIGA

- 1 penyayang, prihatin
- 2 Kita hendaklah berhati-hati dalam memilih kawan.
- 3 /, /, x
- 4 – Rajin membaca buku dan menuntut ilmu  
– Pilih kawan yang berakhlak mulia dan mempunyai jati diri

### PETIKAN KEEMPAT

- 1 Pendidikan dan Latihan Teknikal dan Vokasional.
- 2 – Memenuhi permintaan industri  
– Menyumbang kepada pertumbuhan ekonomi
- 3 Institut Kemahiran Belia dan Negara (IKBN) Dusun Tua dan Institut Latihan Perindustrian (ILP) Kuala Lumpur.
- 4 **D**
- 5 TVET lebih menekankan pada pembelajaran praktikal dan berasaskan kemahiran.

## KERTAS MODEL SIJIL PELAJARAN MALAYSIA SET 2

### KERTAS 1

SOALAN	CADANGAN ISI
<b>Bahagian A</b>	<p><b>Pendahuluan</b></p> <p>Ramai mengetahui bahawa perbelanjaan berhemah dapat mengelakkan kebocoran simpanan dan menjaga keseimbangan kewangan – separuh rakyat Malaysia tidak dapat menyimpan RM1000 untuk kegunaan ketika kecemasan – mereka tidak mempunyai ilmu penyimpanan wang yang baik – menyebabkan masa depan mereka gelap dan sukar berhadapan dengan situasi mencabar – apakah panduan perbelanjaan secara berhemah?</p> <p><b>Isi 1</b></p> <p>Setiap individu perlu membuat senarai barang keperluan dan membandingkan harga sebelum membeli – untuk memastikan mereka membuat keputusan yang bijak sebelum mengeluarkan duit kepada perkara yang tidak berfaedah – boleh menggunakan <i>pricecatcher</i> untuk membandingkan harga barangan dalam tempoh yang singkat – menjadi pembeli yang bijak dan tidak boros – amalan ini perlu disebarluaskan kepada ramai orang supaya dapat membantu ekonomi masyarakat – hendaklah sentiasa membuat kira-kira terhadap komitmen seperti makan, minum, kereta, pengisian petrol dan bayaran bulanan rumah</p> <p><b>Isi 2</b></p> <p>Mengutamakan kualiti dan nilai serta tidak mudah terpengaruh dengan iklan dan promosi penjual – pembeli juga boleh mengamalkan prinsip tidak mengutamakan jenama – alah membeli menang memakai – ukur baju di badan sendiri – kempen boleh dilaksanakan agar lebih ramai yang cakna terhadap situasi ini dalam kehidupan yang semakin mencabar</p> <p><b>Kesimpulan</b></p> <p>Setiap orang perlu mempunyai kesedaran yang tinggi terhadap perbelanjaan berhemah – mengelakkan tekanan emosi ketika menghadapi masalah kewangan – simpanan boleh digunakan ketika dalam kesempatan – orang sekeliling hendaklah saling mengingatkan agar tidak terlibat dengan pinjaman Ah Long yang boleh menyebabkan ahli keluarga terjerat sama</p>

SOALAN	CADANGAN ISI
<p><b>Bahagian B</b></p> <p><b>Soalan 1</b></p>	<p><b>Pendahuluan</b></p> <p>Biar mati anak jangan mati adat – begitulah peribahasa yang sering diperdengarkan untuk memastikan aspek kebudayaan terus dikekalkan sehingga ke hari ini – terdapat pelbagai keunikan kebudayaan kerana negara kita mempunyai pelbagai kaum etnik dengan setiap daripadanya menampilkan identiti budaya yang unik dan istimewa – setiap kumpulan etnik memiliki ciri-ciri budaya sendiri dan mereka mengesap tahap integrasi yang berbeza – budaya boleh dilihat menerusi perayaan, adat resam dan pengaruh – namun aspek kebudayaan pada masa ini kelihatan goyah atas sebab-sebab tertentu</p> <p><b>Isi 1</b></p> <p>Pengaruh budaya luar yang semakin menjadi tumpuan generasi muda menjadi asbab peninggalan nenek moyang semakin ditelan dek zaman – budaya tersebut tersebar dengan meluasnya di media sosial dan boleh diakses oleh semua masyarakat lapisan umur – generasi muda yang seolah-olah mencuba perkara baharu semakin seronok meniru walaupun budaya tersebut melanggar norma budaya ketimuran – pada awalnya hanya suka-suka tapi alah bisa tegal biasa – mereka terus melupakan warisan terdahulu dan menganggapnya lapuk dan tidak sesuai dengan peredaran masa – hasilnya lebih ramai generasi muda hanyut dengan budaya Barat</p> <p><b>Isi 2</b></p> <p>Pandangan serong terhadap budaya juga menyebabkan sektor berkenaan tidak berkembang – segelintir masyarakat individu yang berkecimpung dengan aktiviti budaya tidak mempunyai masa depan yang cerah – membuang masa dan tidak mendatangkan keuntungan – sepatutnya generasi muda diberikan pendedahan tentang kepentingan menyuburkan kebudayaan di negara kita bukannya memberikan tanggapan negatif kepada penggiat seni seperti penari tradisional dan individu-individu yang memakai pakaian tradisi ketika majlis-majlis keramaian – penyediaan menu-menu pada sesuatu majlis juga perlu lebih mengetengahkan makanan tradisional seperti kuih-muih yang sudah jarang ditemui di mana-mana lokasi tumpuan – perkara ini perlu mendapat kerjasama daripada pihak berkepentingan seperti Kementerian Kebudayaan dan Warisan supaya generasi kini lebih mengamatinya berbanding budaya luar</p> <p><b>Isi 3</b></p> <p>Pengaruh gajet yang lebih menjadi tarikan kepada generasi muda – lihat sahaja apabila golongan muda yang pergi ke pertunjukan kebudayaan bersama ibu bapa, mereka seolah-olah tidak menghiraukan persembahan namun sibuk dengan permainan video di telefon pintar – keunikan yang ditampilkan di pentas persembahan tidak lagi menjadi tarikan kepada mereka – nasihat daripada ibu bapa juga diabaikan – sedangkan usaha ibu bapa yang membawa mereka ke tempat-tempat begitu merupakan usaha yang murni dalam memastikan kesuburan budaya tradisional namun dilihat seperti bertepuk sebelah tangan – pemberian nafas baharu terhadap kesenian dan kebudayaan perlu difikirkan agar dapat menarik minat mereka – pendedahan di peringkat sekolah juga perlu dipergiatkan seperti menggalakkan lebih ramai murid menyertai pertandingan di pelbagai peringkat – jika tidak dipecahkan ruyung manakan dapat sagunya</p>

SOALAN	CADANGAN ISI
	<p><b>Kesimpulan</b>  Meskipun banyak cabaran usaha penyuburan budaya dalam kalangan masyarakat perlu terus dipergiat – memastikan kesenian dan kebudayaan tidak luput ditelan zaman – semua pihak perlu berganding bahu memastikan usaha ini berjaya – golongan muda juga hendaklah sentiasa mempunyai kesedaran tentang kepentingan menjaga kebudayaan tersebut – jika bukan kita siapa lagi yang ingin memastikan pengekalan budaya tersebut – membolehkan generasi akan datang merasai nikmat mengamalkan budaya sebagai identiti yang paling utama untuk masyarakat di Malaysia</p>
<p><b>Soalan 2</b></p>	<p><b>Pendahuluan</b>  Ibu bapa sememangnya perlu menyediakan aktiviti yang berfaedah kepada anak-anak terutamanya ketika musim cuti persekolahan – mengelakkan anak-anak daripada terdedah dengan gejala sosial – terlalu membuang masa dengan permainan video dan media sosial yang melalaikan – ibu bapa hendaklah membawa anak-anak berkunjung ke tempat yang memberikan pengetahuan seperti Petrosains di KLCC – banyak manfaat yang boleh saya miliki menerusi kunjungi ke tempat berkenaan.</p> <p><b>Isi 1</b>  Menambah pengetahuan saya tentang dunia sains – banyak informasi dan fakta yang dikongsikan di Petrosains – menambahkan pengetahuan semasa untuk diaplikasikan dalam pendidikan – menjadi sebahagian pembelajaran luar bilik darjah – apabila saya mempunyai pengetahuan yang luas mereka lebih yakin untuk berkomunikasi – sesuai dengan kehendak kementerian yang mahukan murid mempunyai kemahiran berkomunikasi – tidak menjadi katak di bawah tempurung – berkongsi pengalaman yang sama dengan rakan-rakan di sekolah</p> <p><b>Isi 2</b>  Menanamkan minat saya terhadap teknologi – melihat pelbagai ciptaan yang terkini dan canggih yang dipamerkan di Petrosains – boleh menyentuh dan merasai pengalaman itu sendiri dan menjadikannya pembelajaran bermakna – kemahiran IQ dan EQ saya semakin matang dan boleh berkembang menjadi seorang yang suka mencuba sesuatu yang baharu – memberikan idea yang segar ketika saya menjalankan projek reka cipta di sekolah – terlibat dengan pelbagai inovasi – anak-anak seperti kain putih, yang mencoraknya bermula sejak di rumah lagi – ibu bapa perlu meluangkan masa cuti sekolah untuk membolehkan saya menerokai kepelbagaian dunia luar</p> <p><b>Isi 3</b>  Menetapkan kerjaya pilihan saya seawal peringkat usia – banyak perkongsian yang dikongsikan di Petrosains – pemikiran saya boleh terbuka untuk menceburi bidang aeroangkasa ketika alam kerjaya – persediaan awal dari peringkat sekolah supaya saya boleh memberikan tumpuan yang lebih kepada mata pelajaran berkaitan – memilih pakej aliran STEM semasa tingkatan 4 – Malaysia mengalami masalah apabila kerjaya sedemikian seolah-olah tidak menjadi pilihan – lawatan ke Petrosains merupakan langkah kesedaran yang boleh diambil</p> <p><b>Kesimpulan</b>  Banyak manfaat yang boleh dimiliki oleh pelawat – selain meningkatkan nama negara menerusi tempat pelancongan, Petrosains memberi impak positif kepada generasi muda seperti saya – keunikan negara dipandang tinggi oleh para pelancong kerana mempunyai kepelbagaian tempat pelancongan – pelbagai aktiviti yang disediakan untuk mewarnai percutian pelancong baik dari dalam mahupun luar negara</p>

SOALAN	CADANGAN ISI
<p><b>Soalan 3</b></p>	<p><b>Pendahuluan</b></p> <p>Generasi muda merupakan aset berharga kepada negara – bukan sahaja untuk memajukan ekonomi semata-mata namun menerajui kepimpinan – kelangsungan kemajuan negara terletak kepada corak pemerintahan masa hadapan – tidak mahu pisang berbuah dua kali kerana negara dijajah oleh kuasa asing – generasi kini sepatutnya perlu lebih prihatin terhadap perkembangan negara bukan sekadar terikut-ikut dengan pandangan negatif pihak tidak bertanggungjawab – apakah persediaan yang boleh dilakukan oleh generasi muda?</p> <p><b>Isi 1</b></p> <p>Aspek pembangunan rohani dan jasmani perlu diterapkan secara seimbang dan menyeluruh ke dalam diri – rohani dan jasmani merupakan aspek penting dalam memastikan jati diri individu terus utuh – bakal pemimpin perlu menerapkan kedua-dua elemen itu memandangkan ia tonggak keutuhan pelbagai aspek termasuklah perpaduan rakyat – pemimpin yang memandu rakyat untuk sentiasa memandangnya sebagai asas pembentukan sesebuah negara – sekiranya rohani dan jasmani tidak menjadi keutamaan dalam kepimpinan, maka benteng negara mudah dipekotak-katikkan oleh pihak tidak bertanggungjawab – kita boleh lihat ramai pemimpin yang mempunyai keseimbangan rohani dan jasmani – boleh dijadikan contoh</p> <p><b>Isi 2</b></p> <p>Proses membentuk jati diri generasi muda terutama dalam kalangan pelajar di peringkat sekolah menengah harus mempunyai kesinambungan berterusan – tidak terhenti di peringkat sekolah – elemen pendidikan sudah mantap namun tidak perlu menerima kesinambungan di pelbagai peringkat sama ada institusi pendidikan tinggi mahupun sektor pekerjaan – semasa mereka dewasa, tahap pengawasan sudah mula berkurangan namun pemantauan dan kesedaran hendaklah sentiasa dilakukan supaya mereka tidak tersasar dari landasan yang tepat – mengelakkan juga gejala sosial daripada meningkat dan membimbangkan ramai pihak – peranan media sosial dan pelaksanaan program bersifat kepimpinan perlu diperkasakan melibatkan seluruh generasi tanpa pengecualian – sebagai contoh PLKN dan pengambilan kadet-kadet pengurusan dan diplomatik</p> <p><b>Isi 3</b></p> <p>Persediaan dari aspek mental dan ketahanan daya saing – untuk memastikan mereka boleh berhadapan dengan cabaran yang lebih besar ketika memimpin negara – remaja perlu memperbanyak bahan bacaan untuk menambah ilmu pengetahuan – dengan ilmu akan menguatkan lagi kecerdasan pemikiran mereka untuk mengatur strategi pembangunan negara yang lebih mantap – memastikan negara sentiasa dipandang tinggi oleh negara lain – lebih ramai generasi yang berilmu maka masalah sosial akan berkurangan kerana mereka boleh berfikir secara rasional dan matang – setiap individu mempunyai kepakaran sendiri maka ilmu itu bukan hanya memfokuskan ilmu teori semata-mata namun ilmu ketenteraan dan ilmu pengurusan juga perlu diperkasakan dalam kalangan generasi muda – supaya kepimpinan negara lengkap dan tidak mudah dicabar oleh kuasa asing</p>

SOALAN	CADANGAN ISI
	<p><b>Kesimpulan</b>  Pelbagai persediaan lain boleh dilakukan – pihak berkepentingan perlulah sentiasa merangka pelan strategik untuk memastikan aset negara tidak hanyut dek keseronokan teknologi kini – pelbagaikan lagi program bersifat kesedaran supaya timbul rasa tanggungjawab terhadap negara tercinta ini – yang patah tumbuh hilang berganti maka pewaris kepimpinan hendaklah diteruskan supaya kegemilangan negara yang dikecapi kini dapat dikekalkan untuk generasi yang mendatang – kerjasama daripada generasi muda juga diperlukan agar usaha kerajaan kini tidak diibaratkan mencurahkan air ke daun keladi</p>
<p><b>Soalan 4</b></p>	<p><b>Pendahuluan</b>  Sabana tahun ada sahaja khabar berita gembira di media massa berkaitan kecemerlangan atlet negara – mereka telah mengharumkan nama di pelbagai peringkat – duduk sama rendah berdiri sama tinggi dengan negara maju – pastinya kejayaan tersebut menjadi kebanggaan setiap masyarakat yang sentiasa mengharapkan kilauan emas dalam apa-apa temasya sukan – Datuk Wira Lee Chong Wei, Datuk Nicol Ann David serta Datuk Azizulhasni Awang merupakan antara nama-nama yang menjadi bualan rakyat – pastinya kejayaan mereka disebabkan sikap profesional dan ciri-ciri istimewa dalam diri – apakah ciri-ciri tersebut?</p> <p><b>Isi 1</b>  Seorang atlet perlulah bermotivasi tinggi – personaliti, sosial dan kognitif memainkan peranan ketika seorang atlet ingin beraksi dan bermatlamat mencapai wawasan – perlu disokong oleh faktor persekitaran seperti dorongan jurulatih, tidak mudah mengaku kalah dengan kegagalan dalam pertandingan dan cuaca yang menjadi antara penghalang untuk seorang atlet menonjolkan kehebatan – atlet perlu menggabungkan ciri keperibadian mereka dengan faktor persekitaran tersebut sebagai pendorong kepada arah kejayaan yang ingin dilakar – apabila atlet ke luar negara mereka tidak boleh mengaku kalah dengan perbezaan di negara luar sebaliknya perlu segera beradaptasi agar kejayaan dapat dilakar</p> <p><b>Isi 2</b>  Menanamkan sikap berani menghadapi cabaran – bagi memastikan mereka mencapai objektif utama dalam memburu impian walaupun berhadapan dengan sesiapa lawan – sikap berani akan menonjolkan keterampilan diri seorang atlet dan mewujudkan persaingan kepada pihak lawan – selain itu, sikap berani ini juga perlu dibentuk untuk memastikan atlet negara terus bersedia menghadapi segala cabaran yang mendatang – kalau takut dilambung ombak jangan berumah di tepi pantai – hendaklah sentiasa menampilkan persembahan yang terbaik kerana mereka sudah memilih kerjaya ini – alang-alang menyeluk pekasam biar sampai ke pangkal lengan – menghadapi lawan dengan semangat juang sekali gus dapat melakukan sesuatu di luar jangkaan dengan mematuhi syarat yang ditetapkan</p> <p><b>Isi 3</b>  Berdisiplin tinggi juga merupakan ciri yang perlu dimiliki oleh seorang atlet – mendidik atlet untuk mematuhi peraturan, arahan dan ketetapan masa yang ditetapkan – disiplin bukan sekadar ketika di pentas perlawanan namun dari aspek latihan dan gaya hidup – sebagai contoh disiplin pemakanan, gaya hidup dan sesi latihan – disiplin bermula dari bangun tidur sehingga tidur semula kerana melibatkan pengawasan atau pengawalan dalam proses menjadi atlet yang berjaya – menampilkan juga sikap tanggungjawab kerana bukan sahaja membawa nama negara tetapi mereka cenderung untuk mempertahankan nilai-nilai murni dalam setiap tindak-tanduknya – atlet akan memiliki kesedaran diri untuk berlatih sendiri, meningkatkan keterampilan dalam menjaga fizikal dan ketahanan jasmani</p>

SOALAN	CADANGAN ISI
	<p><b>Kesimpulan</b></p> <p>Banyak lagi ciri yang boleh diterapkan dalam diri seorang atlet untuk menjadikan mereka lebih profesional dan sentiasa dipandang mulia dalam dunia sukan – mereka yang dianggap sebagai ayam tambatan kepada negara hendaklah sentiasa terus berusaha memastikan mutu terbaik dalam setiap temasya yang disertai – perlu menghargai sokongan yang diberikan oleh pelbagai pihak termasuklah daripada kerajaan dan rakyat yang sentiasa meletakkan harapan tinggi untuk mereka membawa pingat setiap kali mewakili negara – tuah ayam nampak di kaki tuah ayam siapa yang tahu</p>

## KERTAS 2

SOALAN	JAWAPAN	Markah
<b>Bahagian A:</b>	<b>Empat kata hubung:</b>	
<b>Soalan 1</b> <b>Morfologi</b>	<p>yang</p> <p>– Rumah yang terletak bersebelahan dengan kebun getah itu musnah akibat kebakaran malam tadi.</p> <p>atau</p> <p>– Ibu meminta adik supaya meninggalkan sikap buruknya itu atau dia akan dikenakan hukuman yang setimpal.</p> <p>sejak</p> <p>– Kesedaran menjaga kebersihan sungai hendaklah dipupuk dalam kalangan masyarakat sejak usia muda lagi.</p> <p>dengan</p> <p>– Ayah mencantas ranting-ranting pokok di hadapan rumah dengan menggunakan gunting yang sangat tajam.</p> <p>untuk</p> <p>– Kek hari ulang tahun ini disediakan khas untuk guru kesayangan kelas 5 Bestari.</p> <p>kerana</p> <p>– Azim perlu menonjolkan bakatnya dalam sukan bola sepak kerana dia merupakan harapan abang-abangnya yang juga pemain sukan itu.</p> <p style="text-align: right;"><b>[Maksimum markah: 8 markah]</b></p>	<p>1</p> <p>1</p> <p>1</p> <p>1</p> <p>1</p> <p>1</p> <p>1</p> <p>1</p> <p>1</p> <p>1</p>
<b>Soalan 2</b> <b>Sintaksis</b>	<p><u>Hutan ini berfungsi untuk mengawal hakisan pantai dan menjadi habitat beberapa hidupan akuatik.</u></p> <p>1) Hutan ini berfungsi untuk mengawal hakisan pantai. 2) Hutan ini berfungsi untuk menjadi habitat beberapa hidupan akuatik.</p> <p><u>Pengusaha kilang arang kayu bakau tidak boleh sesuka hati menebang bakau untuk menjadikannya arang.</u></p> <p>1) Pengusaha kilang arang kayu bakau tidak boleh sesuka hati menebang bakau. 2) Pengusaha kilang arang kayu bakau menjadikan kayu bakau arang.</p> <p><u>Proses untuk menghasilkan arang kayu bakau ini memerlukan kepakaran tenaga kerja yang mencabar.</u></p> <p>1) Proses untuk menghasilkan arang kayu bakau ini memerlukan kepakaran tenaga kerja. 2) Proses untuk menghasilkan arang kayu bakau ini mencabar.</p> <p style="text-align: right;"><b>[Maksimum markah: 6 markah]</b></p>	<p>2</p> <p>2</p> <p>2</p>

SOALAN	JAWAPAN	Markah	
<b>Soalan 3</b> <b>Penyuntingan</b>	<b>Salah</b>	<b>Betul</b>	
	dan	hingga	1
	diharapkan	mengharapkan	1
	pada	kepada	1
	ketahuan	pengetahuan	1
	kepelbagaian budaya-budaya	kepelbagaian budaya / budaya-budaya	1
	patriotisma	patriotisme	1
	bersendiri	tersendiri	1
	seringkali	sering kali	1
	Walaubagaimanapun	Walau bagaimanapun	1
	memperaktiskan	mempraktikkan	1
adalah	ialah	1	
	<b>[Maksimum markah: 11 markah]</b>		
<b>Soalan 4</b> <b>Bahasa Melayu</b> <b>Standard</b>	Selepas Kertala Sari hadir ke rumahnya, dia mengajukan soalan kepada ibunya, “Wahai ibuku, ke manakah bapa pergi kerana saya tidak melihatnya dari tadi?” Lalu ibunya pun menangis dan memberitahu, “Bapamu telah meninggal dunia kerana dibunuh oleh orang Melayu yang bernama Laksamana Hulubalang Ratu Melaka.” <b>[Maksimum markah: 4 markah]</b>	4	
<b>Soalan 5</b> <b>Peribahasa</b>	banyak udang banyak garam, banyak orang banyak ragamnya:	1	
	– lain dulang lain kaki, lain orang lain hati	1	
	– lain lubuk, lain ikannya		
	– lain padang lain belalang, lain orang lain ragamnya		
	– rambut sama hitam tetapi masing-masing lain		
	setinggi-tinggi terbang bangau akhirnya hinggap di belakang kerbau juga:	1	
	– belut pulang ke lumpur	1	
	– haruan pulang ke lubuk		
	– siri pulang ke gagang		
	– hujan emas di negeri orang, hujan batu di negeri sendiri, lebih baik di negeri sendiri		
sudah dapat gading bertuah, tanduk tidak berguna lagi:			
– habis madu sepah dibuang	1		
– sudah dapat gubah dikarang, bunga sekaki dicampak buang	1		
– guna-guna alu, sesudah menumbuk dicampakkan			
– telah dapat gading bertuah, terbuang tanduk kerbau mati			
	<b>[Maksimum markah: 6 markah]</b>		
<b>Bahagian B:</b> <b>Soalan 6</b> <b>Petikan Umum</b>	(i) keadaan membimbangkan <b>[Maksimum markah: 2 markah]</b>	2	
	(ii) Masalah-masalah yang berlaku dalam sektor pertanian, perikanan dan penternakan ialah:		
	<b>Bahan 1</b> – Sektor pertanian, perikanan dan penternakan mengalami kerugian lebih RM90 juta kerana bencana banjir pada akhir 2021	1	
	– Monsun timur laut pula telah menjejaskan seramai 8,166 golongan sasar melibatkan 13,244 hektar kawasan pertanian dengan anggaran nilai kerosakan sebanyak RM48.6 juta	1	
– Seramai 871 orang penternak akuakultur dan 81 pengusaha produk perikanan di seluruh negara telah mengalami kerugian berjumlah RM55 juta	1		

SOALAN	JAWAPAN	Markah
	<p><b>Bahan 2</b> – Kesan pencemaran alam sekitar seperti sisa akuakultur, termasuk sisa makanan yang tidak digunakan termasuk najis ternakan dilepaskan ke alam sekitar</p> <ul style="list-style-type: none"> <li>– Dianggarkan 100 hingga 200 kilogram (kg) nitrogen dan 10 hingga 15kg fosforus menyumbang kepada sekurang-kurangnya 30 peratus sisa air kolam setiap tahun</li> </ul> <p style="text-align: right;"><b>[Isi cukup: 2]</b> <b>[Markah bahasa : 1 markah]</b></p> <p>(iii) Kesan-kesan negatif sekiranya pencemaran tersebut tidak ditangani dengan segera ialah:</p> <ul style="list-style-type: none"> <li>– Mendatangkan banyak penyakit</li> <li>– Pencemaran alam sekitar yang berlaku boleh mendatangkan banyak penyakit</li> <li>– Boleh menyebabkan bencana alam</li> <li>– Menyebabkan keseimbangan alam sekitar terjejas</li> </ul> <p>*** mana-mana jawapan yang relevan</p> <p style="text-align: right;"><b>[Isi cukup: 2]</b> <b>[Markah bahasa : 1 markah]</b></p> <p>(iv) Peranan saya sebagai penduduk ketika itu ialah:</p> <ul style="list-style-type: none"> <li>– Menegur tindakan si pelaku yang tidak bertanggungjawab itu.</li> <li>– Mengambil gambar keadaan yang berlaku</li> <li>– Menelefon pihak berkuasa untuk memberitahu keadaan yang berlaku</li> <li>– Melaporkan tindakan tidak bertanggungjawab itu</li> </ul> <p style="text-align: right;"><b>[Isi cukup: 3]</b> <b>[Markah bahasa : 1 markah]</b></p>	<p>1</p> <p>1</p> <p>1</p> <p>1</p> <p>1</p> <p>1</p> <p>1</p> <p>1</p> <p>1</p> <p>1</p>
<p><b>Soalan 7</b> <b>Petikan</b> <b>Sastera</b></p>	<p>(i) Maksud perenggan ketiga sajak ialah penyajak memandang ke atas dan melihat keadaan alam semula jadi yang semakin tercemar. Pencemaran alam semula jadi dikaitkan dengan keadaan Bahasa Melayu yang semakin kurang didaulatkan penggunaannya. Penyajak juga berpendapat bahawa kemakmuran negara tidak dapat menjamin kedaulatan bahasa Melayu.</p> <p style="text-align: right;"><b>[Maksimum markah: 2 markah]</b></p> <p>(ii) Alasan seseorang itu perlu memartabatkan bahasa Melayu:</p> <p><b>Bahan 1</b> – Mempertahankan nasib bangsa</p> <ul style="list-style-type: none"> <li>– Menjamin kemakmuran negara</li> </ul> <p><b>Bahan 2</b> – Merupakan warisan yang kita masih ada</p> <ul style="list-style-type: none"> <li>– Mengekalkan maruah dan mengelakkan dilaknat Allah</li> </ul> <p style="text-align: right;"><b>[Isi cukup: 2]</b> <b>[Markah bahasa : 1 markah]</b></p> <p>(iii) Peranan pelbagai pihak untuk memastikan hasrat kerajaan itu dapat dilaksanakan:</p> <ul style="list-style-type: none"> <li>– Media massa hendaklah menjadi platform yang penting dalam penggunaan bahasa Melayu secara serius</li> <li>– Institusi pendidikan perlu lebih menekankan penggunaan bahasa Melayu dalam semua program yang dianjurkan</li> <li>– Badan-badan kerajaan dan pihak swasta hendaklah mewajibkan penggunaan bahasa Melayu dalam semua urusan rasmi</li> <li>– Ibu bapa perlulah menggalakkan pendidikan bahasa Melayu dari rumah</li> </ul> <p>*** mana-mana jawapan yang relevan</p> <p style="text-align: right;"><b>[Isi cukup: 3]</b> <b>[Markah bahasa : 1 markah]</b></p>	<p>2</p> <p>1</p> <p>1</p> <p>1</p> <p>1</p> <p>1</p> <p>1</p> <p>1</p> <p>1</p>

SOALAN	JAWAPAN	Markah
	(iv) Usaha saya untuk memastikan masalah tersebut tidak berterusan: <ul style="list-style-type: none"> <li>– Saya akan mengambil gambar papan tanda tersebut. 1</li> <li>– Memberitahu ibu bapa tentang kesalahan tersebut 1</li> <li>– Meminta ibu bapa melaporkan perkara tersebut kepada pihak berkuasa tempatan 1</li> <li>– Menasihatkan adik-beradik lain untuk tidak melakukan kesalahan yang sama 1</li> </ul> <p style="text-align: right;"><b>[Isi cukup: 3]</b> <b>[Markah bahasa : 1 markah]</b></p>	
<b>Soalan 8</b> <b>Novel</b>	(i) Anggapan ibu tentang seseorang yang menggemari kafein dan rokok ialah <ul style="list-style-type: none"> <li>– Menghidapi penyakit seperti kemurungan, tekanan darah tinggi, kekeliruan mental, osteoporosis, kanser 1</li> <li>– Kardiovaskular akan memendekkan jangka hayat manusia 1</li> <li>– Mungkin hanya akan hidup tidak lebih daripada 50 tahun atau lebih singkat 1</li> <li>– Memudaratkan diri 1</li> </ul> <p style="text-align: right;"><b>[Maksimum markah: 4 markah]</b></p> (ii) Dua peristiwa yang boleh dijadikan contoh kepada pembaca: <p><b>(a) <i>Leftenan Adnan Wira Bangsa, karya Abdul Latip Talib</i></b></p> <ul style="list-style-type: none"> <li>– Peristiwa Leftenan Adnan dan Datuk Penghulu menangkap tali barut Jepun. Peristiwa ini boleh dijadikan contoh kepada pembaca kerana setiap rakyat bertanggungjawab untuk memastikan negara dalam keadaan selamat dan terhindar daripada tali barut yang menjejaskan kebebasan negara. 3</li> <li>– Peristiwa peperangan sengit yang berlaku di Bukit Candu. Walaupun ramai pemimpin terkorban, namun askar Tanah Melayu tidak menyerah kalah dan berundur daripada peperangan itu. Peristiwa ini boleh dijadikan contoh kerana pejuang-pejuang tanah air itu telah menerapkan semangat patriotisme dalam diri pembaca untuk terus mencintai tanah air 3</li> </ul> <p><b>(b) <i>Di Sebalik Dinara, karya Dayang Noor</i></b></p> <ul style="list-style-type: none"> <li>– Peristiwa Farisha menangis kesedihan waktu pertama kali melihat wajah ayahnya kandungnya, Karl. Peristiwa ini memberi contoh kepada pembaca untuk menanamkan sikap sayang-menyayangi anggota keluarga walaupun sebenarnya Farisha merupakan anak yang tidak sah taraf. 3</li> <li>– Peristiwa Karl memasukkan pelbagai jenis ubat ke dalam tubuh Farisha pada usianya masih bayi hanya dengan tujuan untuk menjadikannya anaknya itu genius. Peristiwa ini memberikan contoh kepada pembaca sebagai ibu bapa tidak boleh melawan hukum manusia dengan berbuat perkara yang tidak diizinkan sebaliknya ibu bapa perlu mendidik dengan cara yang betul mengikut nasihat daripada Kementerian Kesihatan. 3</li> </ul> <p><b>(c) <i>Jendela Menghadap Jalan, karya Ruhaini Matdarin</i></b></p> <ul style="list-style-type: none"> <li>– Peristiwa Lili menghabiskan masa cuti persekolahannya di kampung bersama nenek dan datuk atas permintaan ibunya. Peristiwa ini boleh dijadikan contoh kepada pembaca untuk sentiasa meluangkan masa dengan orang yang tersayang sebelum terlambat. 3</li> <li>– Peristiwa Lili sanggup memaafkan Rafik dan Haziq yang telah mengurung dan menjadikannya sebagai tebusan dalam satu insiden culik di kampung. Peristiwa ini boleh dijadikan contoh kepada pembaca untuk tidak menjadi seorang pendendam kerana memaafkan orang merupakan amalan yang sangat mulia. 3</li> </ul>	

SOALAN	JAWAPAN	Markah
	<p><b>(d) <i>Pantai Kasih karya Azmah Nordin</i></b></p> <ul style="list-style-type: none"> <li data-bbox="315 172 1182 329">– Peristiwa Raiha tetap dengan pendiriannya untuk mengekalkan janin dalam kandungannya kerana janin itu merupakan anak daripada hubungan perkahwinan yang halal. Peristiwa ini boleh dijadikan contoh kepada pembaca untuk tidak sewenang-wenangnya menggugurkan kandungan kerana anak tersebut tidak berdosa. <span style="float: right;">3</span></li> <li data-bbox="315 329 1182 456">– Peristiwa Doktor Uwang yang berusaha lima kali menjalankan pembedahan sendi pinggul terhadap Unong Siron walaupun tidak berhasil. Peristiwa ini menjadi contoh kepada pembaca untuk terus berusaha menyelamatkan nyawa seseorang lebih-lebih lagi apabila kita menggalas tanggungjawab tersebut. <span style="float: right;">3</span></li> </ul> <p><b>(e) <i>Songket Berbenang Emas karya Khairuddin Ayip</i></b></p> <ul style="list-style-type: none"> <li data-bbox="315 525 1182 682">– Peristiwa Tauke Lim yang prihatin terhadap kesusahan dan kemiskinan hidup dialami oleh keluarga Embong. Tauke Lim sanggup memberikan makanan dan wang kepada mereka. Peristiwa ini boleh dijadikan contoh kerana kita perlulah menyelami kesusahan orang lain dan berkongsi rezeki dengan individu yang memerlukan bantuan. <span style="float: right;">3</span></li> <li data-bbox="315 682 1182 838">– Peristiwa semasa Bakar mengemas bahagian bawah rumah dan terjumpa dua biji telur ayam berwarna hitam yang berbau busuk. Telur itu juga mengandungi pelbagai bahan berkaitan aktiviti sihir. Peristiwa ini boleh dijadikan contoh kepada pembaca untuk tidak mengamalkan budaya khurafat kerana melanggar hukum agama dan kemanusiaan. <span style="float: right;">3</span></li> </ul> <p><b>(f) <i>Tirani karya Beb Sabariah</i></b></p> <ul style="list-style-type: none"> <li data-bbox="315 907 1182 1123">– Peristiwa Waheeda digambarkan sebagai seorang yang berani mengambil risiko apabila dia mengambil alih perniagaan Pak Cik Abdul Aziz walaupun pada ketika itu syarikat tersebut menghadapi masalah kewangan akibat penyelewengan. Peristiwa ini boleh dijadikan contoh kerana Waheeda mempunyai niat yang baik untuk membantu Pak Cik Abdul Aziz yang menghadapi masalah dan sebagai seorang yang berpengalaman dia sanggup untuk menghadapi risiko berkenaan untuk mencapai kejayaan. <span style="float: right;">3</span></li> <li data-bbox="315 1123 1182 1260">– Peristiwa Zahid yang cemburu dan bersikap curiga terhadap isterinya sehingga menjatuhkan talak satu. Peristiwa ini boleh dijadikan contoh kepada pembaca terutamanya para suami di luar sana untuk berfikir terlebih dahulu sebelum melakukan sesuatu perkara demi menyelamatkan rumah tangga. <span style="float: right;">3</span></li> </ul> <p><b>(g) <i>Bimasakti Menari karya Sri Rahayu Mohd Yusop</i></b></p> <ul style="list-style-type: none"> <li data-bbox="315 1328 1182 1485">– Peristiwa Nurul Hafsa dan Budiman yang digambarkan gigih dalam usaha mencari dan mengumpul data-data tentang kepupusan kelip-kelip di Kampung Kuantan, Kuala Selangor. Peristiwa ini memberikan contoh kepada pembaca kerana dalam melakukan sesuatu pekerjaan kita hendaklah menunjukkan hasil dan kualiti kerja yang terbaik. <span style="float: right;">3</span></li> <li data-bbox="315 1485 1182 1681">– Peristiwa Muhammad Taufik diserang dan dipukul ketika dia baru pulang dari masjid namun diselamatkan oleh Budiman dan Nurul Hafsa yang berada di kawasan berhampiran. Peristiwa ini menjadi contoh kepada kita sebagai pembaca untuk sentiasa membantu orang lain yang berada dalam keadaan kecemasan kerana kita tidak tahu apa yang akan berlaku kepada kita pada masa akan datang. <span style="float: right;">3</span></li> </ul>	

SOALAN	JAWAPAN	Markah
	<p><b>(h) Silir Daksina karya Nizar Parman</b></p> <ul style="list-style-type: none"> <li>– Peristiwa Haiqal yang bersikap hormat terhadap tindakan ibunya semasa tidak membenarkan dia menziarahi jenazah ayahnya di Batu Pahat Johor untuk memberi keutamaan kepada peperiksaan UPSR. Peristiwa ini menjadi contoh kepada pembaca untuk mematuhi perintah ibu yang telah banyak berkorban untuk kita sebagai seorang anak.</li> <li>– Haiqal pulang ke Kampung Seri Purnama, Batu Pahat Johor untuk mewarisi peninggalan ayahnya itu. Haiqal membangunkan semula seni persembahan arwah ayahnya sehingga berjaya. Peristiwa ini boleh dijadikan contoh kerana sebagai anak hendaklah mewarisi peninggalan arwah ayahnya kerana menjadi pahala berterusan sekiranya memberi manfaat kepada masyarakat.</li> </ul> <p style="text-align: right;"><b>[Maksimum markah: 6 markah]</b></p>	<p>3</p> <p>3</p>
<p><b>Bahagian C</b> <b>Soalan 9</b> <b>Rumusan</b></p>	<p><b>Pendahuluan</b></p> <ul style="list-style-type: none"> <li>– Rumusan membincangkan faedah-faedah tinggal di asrama, punca-punca murid belum sesuai tinggal di asrama dan tip-tip mengendalikan stres anak-anak di sekolah.</li> <li>– Rumusan membincangkan faedah-faedah tinggal di asrama dan punca-punca murid belum sesuai tinggal di asrama.</li> <li>– Rumusan membincangkan faedah-faedah tinggal di asrama dan tip-tip mengendalikan stres anak-anak di sekolah.</li> </ul> <p><b>Isi-isi</b></p> <p><b>Bahan 1 (F1) – Faedah tinggal di asrama</b></p> <ul style="list-style-type: none"> <li>– Waktu belajar yang telah diatur oleh pihak sekolah berasrama lebih padat berbanding sekolah harian</li> <li>– Pembentukan disiplin yang tinggi dalam kalangan murid</li> <li>– Suasana pembelajaran di asrama juga lebih baik dan teratur</li> <li>– Persaingan yang sihat antara murid itu juga boleh wujud</li> <li>– Terdapat juga pelbagai kemudahan riadah.</li> </ul> <p><b>Bahan 1 (F2) – Punca-punca murid belum sesuai tinggal di asrama</b></p> <ul style="list-style-type: none"> <li>– Mereka masih mentah dan belum bersedia dari segi psikologi untuk berhadapan cabaran hidup</li> <li>– Pada usia itu remaja memerlukan bimbingan ibu bapa dalam membentuk serta memantapkan acuan diri</li> <li>– Mereka masih terdapat dan belum mengenal identiti diri sekali gus tidak dapat membuat keputusan terbaik</li> <li>– Mereka lebih cenderung mendengar nasihat serta mempercayai rakan berbanding ibu bapa</li> </ul> <p><b>Bahan 2 (F3) – Tip mengendalikan stres anak-anak di sekolah</b></p> <ul style="list-style-type: none"> <li>– Mewujudkan keadaan sekolah yang selamat dan sihat</li> <li>– Membentuk ciri “Sekolah Penyayang” dalam kalangan guru dan murid.</li> <li>– Memberikan kebebasan murid mengekspresikan bakat menerusi pelbagai aktiviti.</li> <li>– Menyediakan prasarana lengkap untuk aktiviti kokurikulum.</li> <li>– Menyediakan bantuan kaunseling kepada semua warga sekolah.</li> </ul> <p><b>Kesimpulan</b></p> <p>Kesimpulannya tinggal di asrama perlu diberikan perhatian khusus oleh semua pihak agar anak-anak dapat menjalani pendidikan dengan berkualiti.</p> <p style="text-align: right;"><b>[Maksimum markah: 30 markah]</b></p>	<p>2</p> <p>1</p> <p>1</p> <p>2</p> <p>2</p> <p>2</p> <p>2</p> <p>2</p> <p>2</p> <p>2</p> <p>2</p> <p>2</p> <p>2</p> <p>2</p> <p>2</p> <p>2</p> <p>2</p> <p>2</p>

**Bahagian A : Taksiran Individu**

- 1 Hari Pengguna Kebangsaan 2023 diadakan di Piazza Pavilion, Bukit Jalil.
- 2 Tujuan sambutan Hari Pengguna Kebangsaan (HPK) 2023 anjuran Kementerian Perdagangan Dalam Negeri dan Kos Sara Hidup (KPDN) adalah bukan sahaja untuk meraikan pengguna tetapi untuk mengingatkan mereka tentang hak yang perlu dipertahankan.
- 3 Pada pendapat saya, antara ciri pengguna yang bijak adalah mengutamakan keperluan berbanding kehendak. Di samping itu, pengguna yang bijak seharusnya mengelakkan untuk berhutang dalam berbelanja. Pengguna yang bijak juga seharusnya membeli barangan yang berkualiti kerana barangan berkualiti dapat menjamin kepuasan pengguna dan mempunyai daya tahan yang lebih lama berbanding barang yang rendah kualitinya.
- 4 Pada pendapat saya, untuk melahirkan pengguna yang bijak, media massa memainkan peranan yang signifikan. Sama ada pihak media elektronik seperti televisyen atau pihak media cetak terutama akhbar perlu menerapkan pengetahuan atau hak-hak pengguna kepada khalayak ramai. Hal ini dikatakan demikian kerana media massa mempunyai pengaruh yang besar kepada masyarakat kita. Dengan bantuan media, pengguna akan mengetahui cara-cara yang berkesan untuk menuntut hak mereka daripada dimanipulasikan oleh peniaga. Selain itu, Badan-badan Pertubuhan Bukan Kerajaan (NGO) perlu bekerjasama dengan Kementerian Perdagangan Dalam Negeri, Koperasi dan Kepenggunaan untuk mengadakan “Kempen Pengguna Yang Bijak”. Dalam konteks ini, Gabungan Persatuan-Persatuan Pengguna Malaysia (FOMCA) perlu memikul amanah untuk mengadakan kempen tersebut dari semasa ke semasa supaya orang ramai benar-benar mengetahui hak mereka sebagai pengguna. Aktiviti tentang ceramah, pameran, forum, persidangan, pertandingan koir, peraduan melukis poster dan menulis esei tentang hak pengguna harus diadakan bersempena dengan kempen tersebut.

**Bahagian B : Taksiran Kumpulan**

Menurut Kamus Dewan Edisi Keempat mendefinisikan bahawa pekerja ialah orang yang bekerja yang lazimnya untuk mendapat bayaran atau memperoleh pendapatan. Dalam konteks ini, pekerja mempunyai nilai yang sangat tinggi dalam sesebuah organisasi bahkan pihak kerajaan telah menggubal Akta Keselamatan dan Kesihatan Pekerja untuk menjamin keselamatan pekerja di tempat kerja. Akta ini bertujuan untuk melindungi pekerja, rakan sekerja, ahli keluarga, majikan, pelanggan serta individu yang mungkin terjejas akibat persekitaran tempat kerja. Oleh itu, sudah pastilah majikan mengharapkan pekerjanya yang benar-benar berkualiti untuk kesejahteraan sesebuah organisasi untuk memperoleh hasil pengeluaran yang bermutu tinggi kelak. Setiap majikan mempunyai ciri pilihan mereka berdasarkan corak perniagaan atau kerja yang dijalankan. Jika melibatkan pekerjaan fizikal sudah tentu kekuatan menjadi pilihan majikan. Namun, sikap dan perangai setiap manusia berlainan bak kata pepatah Melayu rambut sama hitam, hati lain-lain. Wajar untuk kita bincangkan apakah ciri-ciri pekerja berkualiti idaman para majikan supaya dapat menjadi rujukan untuk semua.

Menelusuri ciri perdana yang diidamkan oleh majikan terhadap pekerja mereka adalah mempunyai keterampilan diri yang menarik. Keterampilan diri adalah gaya yang ditunjukkan oleh setiap individu seperti berpakaian kemas dan memakai bau-bauan yang menenangkan. Ciri ini adalah penting terutamanya dalam bidang yang memerlukan pekerja menjadi wakil kepada syarikat atau majikan dan pelanggan yang berurusan dengan mereka akan berasa tertarik dengan nilai yang ditunjukkan oleh pekerja. Bukan setakat itu sahaja, pekerja yang mempunyai keyakinan diri yang baik malah dilengkapi tatasusila yang unggul pasti membantu setiap pekerja dalam syarikat atau organisasi terbabit untuk bersikap lebih profesional. Terdapat segelintir individu terutamanya golongan pencari kerja yang baharu tamat pengajian di institusi pengajian tinggi mempunyai biodata dan profil yang meyakinkan tetapi apabila datang ke sesi temuduga, kebanyakannya kurang dari segi ketrampilan diri yang menarik ibarat indah khabar daripada rupa. Izharnya, keterampilan diri merupakan ciri pekerja yang berkualiti yang diidamkan oleh majikan.

Beralih pula kepada fokus yang kedua, majikan lazimnya mengidamkan pekerja yang mempunyai kemahiran komunikasi yang baik. Sejak di bangku persekolahan lagi, kita telah diterapkan bahawa komunikasi merupakan kunci kepada segala peluang. Kemahiran untuk berkomunikasi pula perlu diasah dan lahir daripada pengalaman setiap individu kerana pelbagai faktor yang menyumbang kepada cara kita berkomunikasi. Sebagai majikan, mereka pastinya memerlukan pekerja yang jujur dalam menjalankan tugas, pandai mengutarakan pendapat apabila berlaku perselisihan dan cadangan serta bijak mendengar dan memerhati apa-apa yang dikehendaki oleh majikan. Selain itu, majikan juga gemar kepada pekerja yang pandai

bergaul dan membiasakan diri dengan budaya kerja mereka ibarat masuk kandang kambing mengembek, masuk kandang harimau mengaum. Hal ini dikatakan demikian kerana jika syarikat dan organisasi tersebut besar dan sudah lama bertapak, mereka pasti mempunyai budaya kerja yang wajar dipatuhi oleh pekerja baharu. Tegasnya, kemahiran berkomunikasi yang tinggi akan membawa pekerja ke tahap yang lebih baik dan memberi manfaat kepada majikan.

Pada nada yang sama, majikan pastinya mengimpikan pekerja yang berkualiti dengan memiliki kecerdasan dalam menyelesaikan tugas atau masalah yang dihadapi. Kecerdasan dalam konteks ini bermaksud keupayaan untuk merancang, menganjur, menetapkan keutamaan, menyelesaikan masalah dan menyelesaikan tugas yang diberi. Kecerdasan merujuk kepada tahap akal dan keupayaan praktikal pekerja dalam menangani cabaran dunia pekerjaan. Bukan anak-anak yang pergi sekolah sahaja menitikberatkan mengenai kecerdasan, tetapi pekerja juga perlu kekal cerdas dan cergas, barulah produktiviti meningkat. Salah satu kaedah yang boleh digunakan oleh majikan menilai tahap kecerdasan pekerja adalah melalui cara soalan yang ditanya. Seseorang pekerja boleh menunjukkan tahap kecerdasan dengan bertanyakan soalan dan mendengar jawapan yang baik. Hal ini jelas membuktikan bahawa kecerdasan seseorang itu amat penting sebagai seorang pekerja yang berkualiti.

Bagi menyimpulkan perbincangan yang telah dihuraikan di atas, ciri-ciri yang diidamkan oleh majikan terhadap pekerja adalah mengikut variasi dan corak syarikat atau organisasi masing-masing. Umum sedia maklum bahawa majikan merupakan kepala kepada struktur organisasi atau syarikat tetapi pekerja merupakan kaki dan tangan yang melakukan pekerjaan yang perlu bagi menjayakan objektif yang ditetapkan oleh majikan. Sehubungan dengan itu, layanan yang seyogianya harus diberikan kepada semua pekerja yang berkorban tenaga dan masa demi memenuhi hasrat dan visi majikan dengan memastikan kebajikan serta kadar gaji mereka diberikan mengikut ketetapan Kementerian Sumber Manusia. Ibarat dayung sudah di tangan, perahu sudah di air terletak kepada para majikan untuk menggilap dan melahirkan golongan pekerja profesional tempatan yang akan menjadi khazanah berguna untuk negara dan nusa bangsa.

## KERTAS 4

### PETIKAN PERTAMA

1	Nama penuh	Arif Aiman bin Mohd Hanapi
	Tarikh lahir	4 Mei 2002
	Tempat lahir	Kuantan, Pahang
	Memakai jersey bernombor	42

- 2 Pada tahun 2018
- 3 Pemain Paling Bernilai, Penyerang Terbaik
- 4 C

### PETIKAN KEDUA

- 1 26 Mei 2023 sehingga 4 Jun 2023.
- 2 Majlis Buku Kebangsaan Malaysia
- 3 Acara Bilik Kuala Lumpur, Bengkel

4	Nama Bengkel	Pembimbing
	Bengkel Terjemahan Buku	Dr Hasuria Che Omar
	Bengkel Penulisan Tesis kepada Buku	Profesor Dr. Roosfa Hashim
	Bengkel Penyuntingan Bahasa	Puan Alimie Liman

- 5 penerbitan buku sendiri atau swaterbit, penulis risalah, ilustrator dan pengusaha buku foto.

### PETIKAN KETIGA

- 1 Penyajak memandang ke langit lalu memerhatikan keadaan langit. Dengan perasaan penuh kesyukuran, dia menghayati keindahan alam.
- 2 Personifikasi
- 3 /, /, x
- 4 Mesej yang hendak disampaikan oleh penyajak ialah kita mestilah cinta akan bahasa Melayu.

### PETIKAN KEEMPAT

- 1 Solehah yang tenat, pundi janinnya pecah di ovari, dan juga sedang koma.
- 2 Seorang yang bertanggungjawab, Seorang yang prihatin
- 3 Tuan Besar Musa telah banyak menyumbangkan dana kepada kelab elit.
- 4 C
- 5 Nilai keprihatinan

## KERTAS MODEL SIJIL PELAJARAN MALAYSIA SET 3

### KERTAS 1

SOALAN	CADANGAN ISI
<b>Bahagian A</b>	<p><b>Pendahuluan</b></p> <p>Industri pelancongan domestik menyumbang pertumbuhan ekonomi negara – sektor berkenaan membuka peluang kepada banyak peniaga memasarkan produk dengan kehadiran lebih 20 juta orang sejak tahun 2019 – mampu menurunkan kadar pengangguran rakyat – sektor ini perlu terus disemarakkan untuk kepentingan semua pihak</p> <p><b>Isi 1</b></p> <p>Penggiat sektor pelancongan domestik perlu bekerjasama dengan persatuan hotel sama ada yang ternama ataupun bajet – untuk membolehkan pelancong menikmati pelbagai kemudahan seperti baucar dan harga promosi yang menarik – contoh kerjasama dengan MAH dan mybha pada tahun 2020 hingga 2021 yang mampu meningkatkan pertumbuhan prestasi pelancongan di Malaysia – sekali gus meningkatkan perbelanjaan per kapita</p> <p><b>Isi 2</b></p> <p>Memperkasakan kerjasama dengan syarikat penerbangan tempatan dan pengangkutan swasta – untuk memudahkan pergerakan para pelancong berkunjung ke tempat-tempat menarik – menawarkan pelbagai diskaun dan rebat menarik – menjadikan Malaysia sebagai negara yang kekal dilawati oleh 10 negara termasuklah Singapura dan Indonesia</p> <p><b>Kesimpulan</b></p> <p>Usaha menyemarakkan industri pelancongan perlu terus diperkasakan supaya kehadiran pelancong terus meningkat – kementerian yang berkaitan hendaklah mempergiatkan pelbagai kerjasama dengan agensi berkepentingan – diharapkan sektor pelancongan terus menyumbang kepada ekonomi negara yang mapan</p>
<b>Bahagian B</b>	<p><b>Pendahuluan</b></p> <p>Salutasi yang bersesuaian – sambutan Hari Buku Sedunia pada 23 April setiap tahun dicetuskan oleh Pertubuhan Pendidikan, Sains dan Kebudayaan Pertubuhan Bangsa-Bangsa Bersatu bagi menggalakkan pembacaan, penerbitan dan hak cipta – sambutan ini perlulah terus dianjurkan supaya generasi muda menjadi golongan berilmu – apakah kepentingan sambutan ini?</p>
<b>Soalan 1</b>	

SOALAN	CADANGAN ISI
	<p><b>Isi 1</b> Memberikan kesedaran kepada semua rakyat tentang kepentingan ilmu pengetahuan – buku merupakan bahan yang wajib dimiliki, dibaca dan difahami oleh semua lapisan masyarakat untuk menjadi orang yang berilmu – ilmu akan menjadikan seseorang itu rasional dan aset kepada usaha pembangunan negara – ibu bapa perlu menggalakkan anak bersahabat dengan buku untuk mengelakkan mereka lalai dengan penggunaan gajet – bangsa berjaya bangsa membaca</p> <p><b>Isi 2</b> Mendidik generasi kini untuk menyertai program-program ilmu – mereka terdedah dengan pengaruh yang negatif dan boleh menyebabkan bakal pemimpin negara tersasar daripada landasan sebenar – penganjuran sambutan perlu melibatkan institusi pendidikan seperti sekolah dan institusi pengajian tinggi – sambutannya perlu menerapkan elemen yang segar dan dapat menarik minat golongan muda – usaha ini membolehkan generasi muda tidak hanya berkhujung ke festival yang berkonsepkan hiburan semata-mata</p> <p><b>Isi 3</b> Boleh dijadikan sebagai aktiviti wajib dalam keluarga – mengeratkan hubungan kekeluargaan selepas masing-masing sibuk dengan pekerjaan dan urusan peribadi – sambutan tersebut juga menjadi platform untuk ahli keluarga bercuti sambil menjalankan aktiviti bersama-sama – ibu bapa dan anak-anak boleh meredakan tekanan yang dihadapi mereka kerana membaca buku merupakan satu terapi minda yang berkesan</p> <p><b>Kesimpulan</b> Sambutan Hari Buku Sedunia perlu terus dianjurkan bagi melahirkan generasi yang berkualiti – selain Kementerian Pendidikan, badan-badan lain seperti Dewan Bahasa dan Pustaka dan Institut Terjemahan dan Buku Malaysia perlu terus bergiat aktif dalam mempromosikan sambutannya – kerjasama dengan banyak syarikat penerbitan buku – menjadikannya sebagai sambutan wajib di peringkat nasional – mampu meningkatkan ekonomi negara</p>
<p><b>Soalan 2</b></p>	<p><b>Pendahuluan</b> Negara Malaysia terdiri daripada berbilang bangsa namun masih mampu mencapai perpaduan – galakan dan kempen daripada kerajaan untuk menyuburkan semangat tersebut dalam kalangan rakyat baik di bandar mahupun di kawasan pedalaman – perpaduan penting untuk memantapkan sektor ekonomi, pendidikan dan pelbagai lagi – walau bagaimanapun, ada beberapa cabaran untuk mengekalkan perpaduan</p> <p><b>Isi 1</b> Masyarakat terpengaruh dengan hasutan pihak yang tidak bertanggungjawab – usaha memecahbelahkan perpaduan yang semakin utuh – menggunakan media sosial untuk menyebarkan hasutan walaupun kerajaan telah menguatkuasakan Akta Komunikasi dan Multimedia 1998 – rakyat dinasihatkan tidak mudah percaya malah perlu menyelidik terlebih dahulu informasi yang diterima – pelancaran kempen ‘tak pasti jangan kongsi’ perlu disambut baik oleh semua</p> <p><b>Isi 2</b> Masyarakat terlalu mementingkan diri bagai enau dalam belukar melepaskan pucuk masing-masing – puncanya, mereka terlalu sibuk dengan kerja dan urusan peribadi sehingga tidak mengendahkan jiran, sahabat dan orang sekeliling yang memerlukan bantuan – tidak terlibat dengan aktiviti kemasyarakatan dan tidak mahu bergaul dengan aktiviti</p>

SOALAN	CADANGAN ISI
	<p>kemasyarakatan dan tidak mahu bergaul dengan orang sekeliling – boleh memberikan kesan yang negatif kepada mereka termasuklah ketika berlaku kecemasan – masalah ini perlu diatasi dengan cara masyarakat perlu meluangkan masa untuk terlibat dengan program kemasyarakatan</p> <p><b>Isi 3</b> Kurang pendidikan dan pendedahan tentang kepentingan perpaduan – walaupun sering kali disebarluaskan tetapi ramai dalam kalangan masyarakat tidak cakna – berasa perpaduan tidak penting dan mereka hanya mementingkan materialistik – Kementerian Pendidikan dengan kerjasama pelbagai pihak perlu melibatkan lebih banyak agensi untuk terus menyuburkan semangat perpaduan – sebagai contoh, memperbanyak iklan yang mempromosikan perpaduan di media masa</p> <p><b>Kesimpulan</b> Walaupun cabarannya sedikit tetapi jika dibiarkan akan menjadi barah kepada perpaduan negara – setiap pihak perlu berganding bahu untuk mengekalkan elemen perpaduan yang sangat penting – elakkan tragedi 13 Mei 1963 berulang kembali – boleh menyebabkan pelbagai sektor di negara ini terjejas</p>
<p><b>Soalan 3</b></p>	<p><b>Pendahuluan</b> Ekosistem ditakrifkan sebagai interaksi atau hubung kait antara benda hidup dengan benda bukan hidup di dalam alam semula jadi – dewasa ini ada pihak yang tidak bertanggungjawab merosakkan ekosistem dengan tujuan untuk mengaut keuntungan – semua pihak bertanggungjawab menjaga kelestarian ekosistem daripada tercemar – tanggungjawab berkenaan juga perlu digalas oleh institusi pendidikan</p> <p><b>Isi 1</b> Kementerian Pendidikan terus memperkasakan silibus tentang kepentingan penjagaan ekosistem – supaya murid lebih peka dan sentiasa bertanggungjawab untuk memelihara ekosistem – aktiviti turun ke lapangan perlu diterapkan kepada murid-murid dan pelajar supaya mereka melihat sendiri keadaan sebenar ekosistem di sekeliling mereka – menyedarkan mereka tentang amanah yang perlu dijaga – jangan sudah terhantuk baru tengadah</p> <p><b>Isi 2</b> Pihak sekolah seharusnya menganjurkan kempen sayangi ekosistem pada setiap sesi persekolahan – melibatkan agensi yang berkepentingan untuk memberikan pendedahan secara mendalam tentang ekosistem, cara-cara penjagaan yang sebenarnya serta tanggungjawab generasi kini – menambah lebih banyak aktiviti yang menarik untuk melibatkan lebih banyak murid di pelbagai peringkat – seperti pertandingan, forum alam sekitar, lawatan ke kawasan berisiko dan institusi yang bertanggungjawab menjaga ekosistem negara</p> <p><b>Isi 3</b> Penglibatan mahasiswa di universiti dalam tanggungjawab sosial korporat juga penting – persatuan-persatuan dalaman hendaklah digalakkan untuk melaksanakan kempen berkaitan alam sekitar setiap kali cuti semester – melibatkan lebih ramai mahasiswa daripada pelbagai bidang pengajian – kerjasama dengan agensi berkaitan untuk menambah kemahiran insaniah mereka – bukan sahaja fokus kepada akademik, malah boleh menjadi pelapis negara bertanggungjawab kepada alam – sambil menyelam minum air</p>

SOALAN	CADANGAN ISI
	<p><b>Kesimpulan</b>            Jelaslah institusi pendidikan memainkan peranan yang besar untuk melestarikan keharmonian ekosistem negara – pihak lain juga tidak boleh berpeluk tubuh – terus melaporkan sebarang kesalahan oleh individu yang tidak bertanggungjawab kepada pihak berkuasa – sayangi ekosistem kita untuk generasi akan datang</p>
<p><b>Soalan 4</b></p>	<p><b>Pendahuluan</b>            Bidang keusahawanan menjadi satu platform untuk semua golongan menjana pendapatan – terdapat pelbagai cabang yang boleh diceburi baik secara fizikal mahupun dalam talian – sembilan per sepuluh kekayaan itu datangnya daripada perniagaan – mampu melahirkan lebih ramai golongan kelas atasan selain mengurangkan kadar kemiskinan tegar negara ini – namun tidak dinafikan bidang ini banyak persaingan kerana perniagaan sudah seperti cendawan tumbuh selepas hujan – persoalannya, apakah persiapan yang boleh dilakukan oleh bakal usahawan supaya mampu berdaya saing dalam bidang ini di peringkat global</p> <p><b>Isi 1</b>            Bakal usahawan perlu melengkapkan diri dengan ilmu keusahawanan – ilmu keusahawanan akan menjadikan mereka lebih arif tentang selok-belok bidang perniagaan termasuklah dalam perkara pemasaran dan lain-lain – menghadiri kursus yang disediakan oleh pelbagai agensi yang berdaftar di bawah kerajaan – ini merupakan peluang untuk mereka mengetahui cara mengembangkan perniagaan ke peringkat global – tidak seperti katak di bawah tempurung</p> <p><b>Isi 2</b>            Bakal usahawan perlu memastikan sumber kewangan yang cukup – hal ini dikatakan demikian kerana bidang keusahawanan berdepan dengan segala risiko yang sangat besar – kewangan yang cukup menjadikan mereka lebih yakin untuk mengembangkan perniagaan mereka ke peringkat global – mereka juga perlu belajar menguruskan wang dengan berhemah dan bijak – jangan jadi seperti yang dikejar tak dapat, yang dikendong bercirikan</p> <p><b>Isi 3</b>            Bakal usahawan juga perlu mendapatkan sokongan daripada individu yang betul – untuk mendapatkan sokongan emosi dan moral serta bimbingan yang tepat supaya tidak salah memilih jalan perniagaan yang ingin dibangunkan – sebagai contoh ibu bapa dan rakan yang memahami cara untuk mengembangkan perniagaan ke peringkat global – ketika berhadapan dengan masalah mereka boleh bertukar-tukar pendapat untuk mencari alternatif lain untuk memastikan perniagaan mereka tetap kukuh</p> <p><b>Kesimpulan</b>            Banyak persiapan yang boleh dilakukan oleh bakal usahawan sebelum memasuki bidang yang sangat mencabar ini – jangan terlalu memikirkan ingin mencapai keuntungan kerana perniagaan merupakan satu proses yang panjang – perlu menanamkan kesabaran dalam diri agar tidak terlalu berasa gagal sekiranya berhadapan dengan cabaran dalam perniagaan – semoga lebih banyak anak muda menceburi bidang perniagaan bagi menjadikan negara duduk sama rendah dan berdiri sama tinggi dengan negara-negara maju di luar sana</p>

**KERTAS 2**

SOALAN	JAWAPAN	Markah
<p><b>Bahagian A:</b></p> <p><b>Soalan 1</b> <b>Morfologi</b></p>	<p><b>Empat kata kerja terbitan:</b></p> <p>mendengar – Semua murid tingkatan satu yang baru mendaftar sedang mendengar taklimat yang disampaikan oleh guru itu dengan tekun sekali.</p> <p>dilaporkan – Sebuah rumah dilaporkan musnah dalam satu tragedi kebakaran yang mengakibatkan empat orang kanak-kanak meninggal dunia pada malam semalam.</p> <p>melibatkan – Gerak kerja mencari mangsa yang hilang di Gunung Ledang yang diketuai oleh Ketua Balai Polis Tangkak itu melibatkan kerjasama daripada Unit K9 Polis Diraja Malaysia, Pasukan Bomba dan Penyelamat serta Jabatan Sukarelawan Malaysia.</p> <p>menunjukkan – Pemandu pelancong itu menunjukkan pelbagai tempat yang menarik di Cameron Highlands kepada kami sekeluarga sambil memberikan penerangan tentang keistimewaan tempat-tempat tersebut.</p> <p>membuktikan – Rashid gagal membuktikan bahawa dia tidak bersalah dalam kes pergaduhan yang berlaku di sekolah pada pagi semalam ketika disoal siasat oleh unit disiplin sekolahnya.</p> <p>mendapat – Ayah berasa sangat bangga kerana adik berjaya mendapat tempat pertama dalam Pertandingan Bicara Buku Peringkat Negeri Johor yang dianjurkan oleh Jabatan Pendidikan Negeri Johor baru-baru ini.</p> <p style="text-align: right;"><b>[Maksimum markah: 8 markah]</b></p>	<p>1</p> <p>1</p> <p>1</p> <p>1</p> <p>1</p> <p>1</p> <p>1</p> <p>1</p> <p>1</p>
<p><b>Soalan 2</b> <b>Sintaksis</b></p>	<p>– Perlu hadir ke klinik mengikut jadual yang ditetapkan bayi dan kanak-kanak. / Perlu hadir ke klinik bayi dan kanak-kanak mengikut jadual yang ditetapkan.</p> <p>– Bagi memastikan proses rawatan atau intervensi dan penjagaan yang bersesuaian dapat diberikan, rawatan atau intervensi awal ini penting.</p> <p>– Dapat berbincang dengan anggota kesihatan jika mereka mendapati bayi dan kanak-kanak mempunyai masalah khusus ibu bapa. / Dapat berbincang dengan anggota kesihatan ibu bapa jika mereka mendapati bayi dan kanak-kanak mempunyai masalah khusus.</p> <p style="text-align: right;"><b>[Maksimum markah: 6 markah]</b></p>	<p>2</p> <p>2</p> <p>2</p>

SOALAN	JAWAPAN	Markah																										
Soalan 3 Penyuntingan	<table border="1"> <thead> <tr> <th>Salah</th> <th>Betul</th> </tr> </thead> <tbody> <tr> <td>ialah</td> <td>adalah</td> </tr> <tr> <td>masalapang</td> <td>masa lapang</td> </tr> <tr> <td>di bandingkan</td> <td>dibandingkan</td> </tr> <tr> <td>rekriasi</td> <td>rekreasi</td> </tr> <tr> <td>perlu</td> <td>memerlukan</td> </tr> <tr> <td>manafaat</td> <td>manfaat</td> </tr> <tr> <td>dilakukan oleh kita</td> <td>kita lakukan</td> </tr> <tr> <td>Bila</td> <td>Apabila</td> </tr> <tr> <td>terkurang</td> <td>berkurangan</td> </tr> <tr> <td>tempoh masa</td> <td>tempoh / masa</td> </tr> <tr> <td>dari penyakit</td> <td>daripada penyakit</td> </tr> <tr> <td>tinggi darah</td> <td>darah tinggi</td> </tr> </tbody> </table>	Salah	Betul	ialah	adalah	masalapang	masa lapang	di bandingkan	dibandingkan	rekriasi	rekreasi	perlu	memerlukan	manafaat	manfaat	dilakukan oleh kita	kita lakukan	Bila	Apabila	terkurang	berkurangan	tempoh masa	tempoh / masa	dari penyakit	daripada penyakit	tinggi darah	darah tinggi	1 1 1 1 1 1 1 1 1 1 1 1
	Salah	Betul																										
	ialah	adalah																										
	masalapang	masa lapang																										
	di bandingkan	dibandingkan																										
	rekriasi	rekreasi																										
	perlu	memerlukan																										
	manafaat	manfaat																										
	dilakukan oleh kita	kita lakukan																										
	Bila	Apabila																										
	terkurang	berkurangan																										
	tempoh masa	tempoh / masa																										
	dari penyakit	daripada penyakit																										
tinggi darah	darah tinggi																											
<b>[Maksimum markah: 11 markah]</b>																												
Soalan 4 Bahasa Melayu Standard	<p>Raja bertitah, “Sesungguhnya Laksamana tidak boleh pergi jauh daripada beta. Jika Laksamana pergi berkawal, siapa yang akan mengawasi istana ini? Laksamana merupakan orang harapan beta.” Laksamana mendiamkan dirinya ketika mendengar titah raja itu.</p> <p>Setelah beberapa hari berlalu, orang-orang kaya dan saudagar telah mengalami kecurian; kemudian, mereka semua datang menghadap raja. Raja tidak mampu untuk bertitah apa-apa.</p> <p>Laksamana bersembah, “Pada pandangan patik, ada pencuri yang datang ke istana kita ini pada malam itu.”</p>	6																										
<b>[Maksimum markah: 6 markah]</b>																												
Soalan 5 Peribahasa	<ul style="list-style-type: none"> <li>– cendawan tumbuh/cendawan tumbuh selepas hujan</li> <li>– melepaskan batuk di tangga</li> <li>– alah membeli, menang memakai</li> <li>– hujan emas di negeri orang, hujan batu di negeri sendiri, lebih baik/baik juga di negeri sendiri</li> </ul>	1 1 1 1																										
<b>[Maksimum markah: 4 markah]</b>																												
Bahagian B: Soalan 6 Petikan Umum	<p>(i) Maksud rangkai kata <i>kemerosotan kualiti</i> ialah kekurangan mutu <b>[Maksimum markah: 2 markah]</b></p> <p>(ii) Punca-punca pencemaran alam sekitar:  <b>Bahan 1</b> – Air larian daripada aktiviti guna tanah pertanian, pembuangan sisa pepejal, aktiviti penternakan, perlombongan, pengorekan pasir, air buangan pasar.  – Pencemaran juga berpunca daripada aktiviti loji rawatan kumbahan dan pelepasan sisa perindustrian.  <b>Bahan 2</b> – Aktiviti industri dan perkilangan yang semakin drastik.  <b>[Isi cukup: 2]</b>  <b>[Markah bahasa : 1 markah]</b></p> <p>(iii) Kesan-kesan sekiranya sikap tersebut tidak ditangani:</p>	2  1 1 1  1 1 1																										
<b>[Markah bahasa : 1 markah]</b>																												

SOALAN	JAWAPAN	Markah
	<ul style="list-style-type: none"> <li>– Habitat hidupan liar akan terancam.</li> </ul> <p>*** mana-mana jawapan yang relevan</p> <p style="text-align: right;"><b>[Isi cukup: 2]</b> <b>[Markah bahasa : 1 markah]</b></p>	1
	<p>(iv) Peranan saya sebagai penduduk ketika itu ialah:</p> <ul style="list-style-type: none"> <li>– Melaporkan aktiviti tidak beretika itu kepada pihak berkuasa tempatan.</li> <li>– Menulis artikel dan memberikannya kepada akhbar-akhbar tempatan.</li> <li>– Mengajak pihak rukun tetangga untuk menasihati pengurus kilang berkenaan agar mematuhi SOP pengurusan kilang yang sepatutnya.</li> </ul> <p style="text-align: right;"><b>[Isi cukup: 3]</b> <b>[Markah bahasa : 1 markah]</b></p>	1 1 1
<b>Soalan 7</b> <b>Petikan</b> <b>Sastera</b>	<p>(i) Pergaduhan atau perbalahan</p> <p style="text-align: right;"><b>[Maksimum markah: 2 markah]</b></p> <p>(ii) Dua sebab seseorang itu perlu menjaga tutur kata ialah:</p> <p><b>Bahan 1</b> – Mengelakkan seseorang menjadi marah kepada kita</p> <p><b>Bahan 2</b> – Mengelakkan pergaduhan atau perbalahan antara sesama kaum</p> <p style="text-align: right;"><b>[Isi cukup: 2]</b> <b>[Markah bahasa : 1 markah]</b></p> <p>(iii) Pernyataan tersebut benar kerana:</p> <ul style="list-style-type: none"> <li>– Berfikir dahulu sebelum menyatakan sesuatu di media sosial adalah untuk menjaga perasaan pengguna yang lain.</li> <li>– Mengelakkan provokasi yang boleh menyebabkan rusuhan kaum berlaku.</li> <li>– Memastikan platform media sosial digunakan untuk tujuan yang bermanfaat dan bukannya untuk mengumpul dosa.</li> <li>– Tanggapan orang ramai boleh berubah-ubah di media sosial dan tidak sama dengan apa-apa yang kita fikirkan.</li> </ul> <p style="text-align: right;"><b>[Isi cukup: 3]</b> <b>[Markah bahasa : 1 markah]</b></p> <p>(iv) Sebagai masyarakat bertanggungjawab, saya akan:</p> <ul style="list-style-type: none"> <li>– Meleraikan dan menenangkan kedua-dua pihak.</li> <li>– Mengasingkan mereka di tempat yang berbeza.</li> <li>– Menasihatkan mereka untuk berfikir secara rasional.</li> <li>– Meminta mereka menyelesaikan perkara itu dengan sebaiknya.</li> <li>– Mengajak mereka untuk saling bermaafan.</li> </ul> <p style="text-align: right;"><b>[Isi cukup: 3]</b> <b>[Markah bahasa : 1 markah]</b></p>	2 1 1 1 1 1 1 1 1
<b>Soalan 8</b> <b>Novel</b>	<p>(i) Nama pejuang yang perlu dikenang sepanjang zaman disebabkan jasa dan pengorbanan mereka ialah:</p> <ul style="list-style-type: none"> <li>– Datuk Siamang Gagap</li> <li>– Datuk Bahaman dan Mat Kilau</li> <li>– Tok Janggut</li> <li>– Dol Said</li> <li>– Rentap</li> <li>– Si Bongkok Tanjung Puteri.</li> </ul> <p style="text-align: right;"><b>[Maksimum markah: 4 markah]</b></p>	1 1 1 1 1 1

SOALAN	JAWAPAN	Markah
	<p>(ii) Peristiwa yang dapat menyentuh hati pembaca:</p> <p><b>(a) <i>Leftenan Adnan Wira Bangsa, karya Abdul Latip Talib</i></b></p> <ul style="list-style-type: none"> <li>– Peristiwa kematian Leftenan Adnan masih belum memuaskan hati Jeneral Tomoyuki Yamashita. Hal ini demikian kerana adiknya terkorban di Bukit Candu setelah ditikam dengan bayonet oleh Leftenan Adnan. Peristiwa ini menyentuh hati kerana perjuangan Leftenan Adnan itu menyebabkan beliau meninggal dunia dan kematiannya masih tidak memberi kepuasan kepada penjajah. <span style="float: right;">3</span></li> <li>– Peristiwa Leftenan Adnan dan Datuk Penghulu menangkap tali barut Jepun. Dalam situasi itu, bukan sahaja menyebabkan pembaca berasa marah namun hati pembaca boleh tersentuh kerana sebagai rakyat tidak sepatutnya membelakangi negara semata-mata untuk kepentingan sendiri <span style="float: right;">3</span></li> </ul> <p><b>(b) <i>Di Sebalik Dinara, karya Dayang Noor</i></b></p> <ul style="list-style-type: none"> <li>– Peristiwa Alia yang merupakan prototaip ciptaan Karl dan Medina yang digambarkan cemburu dengan hubungan kedua-dua saintis berkenaan walaupun dia hanyalah sejenis prototaip. Peristiwa ini menyentuh hati pembaca kerana, Alia digambarkan sebagai tidak sepatutnya memiliki hati dan perasaan tetapi sebaliknya berlaku sehinggalah dia berasa cemburu seperti manusia biasa. <span style="float: right;">3</span></li> <li>– Peristiwa Farisha menangis ketika pertama kali menatap wajah ayah kandungnya, Karl. Peristiwa ini menyentuh hati pembaca dan sebenarnya memberikan mesej kepada kita agar sentiasa menyayangi anggota keluarga walaupun berstatus anak yang tidak sah taraf demi mengelakkan berlakunya perpecahan keluarga. <span style="float: right;">3</span></li> </ul> <p><b>(c) <i>Jendela Menghadap Jalan, karya Ruhaini Matdarin</i></b></p> <ul style="list-style-type: none"> <li>– Peristiwa datuk mengenang kembali kisah silam tentang kecuaiannya dalam mendidik ibu Lili dengan sempurna dan sejarah pendidikan ibunya yang lulus dengan cemerlang dalam pelajaran. Walaupun lulus dengan cemerlang dalam pelajaran tetapi ibu Lili dikatakan jarang pulang ke kampung. Peristiwa ini menyentuh hati pembaca kerana sebagai anak tidak sepatutnya mengabaikan tanggungjawab terhadap ibu bapa. <span style="float: right;">3</span></li> <li>– Peristiwa Lili yang digambarkan agak tidak bersetuju ketika ibunya meminta dia pulang ke kampung bagi menjenguk datuk dan neneknya. Hal ini dikatakan demikian kerana, Lili sudah mempunyai rancangan bersama rakan ketika cuti sekolah. Peristiwa ini menyentuh hati pembaca walaupun keadaan itu nampak memaksa Lili tetapi dia tetap akur dengan hasrat dan permintaan ibunya. <span style="float: right;">3</span></li> </ul> <p><b>(d) <i>Pantai Kasih karya Azmah Nordin</i></b></p> <ul style="list-style-type: none"> <li>– Peristiwa Raiha yang mempertikaikan kewibawaan Doktor Uwang sebagai pakar bedah. Walaupun Doktor Uwang telah menjalankan pembedahan terhadap penyakit Unong Siron tetapi Raiha mempersoalkan perkara itu berikutan ketidaksembuhannya. Peristiwa ini menyentuh hati pembaca kerana sebagai seorang pesakit pastinya dia inginkan penyakitnya sembuh dengan segera dan perasaan pembaca juga tersentuh apabila profesionalisme seseorang dipertikaikan walaupun telah mencuba mengubati seseorang secara Ikhlas. <span style="float: right;">3</span></li> </ul>	

SOALAN	JAWAPAN	Markah
	<ul style="list-style-type: none"> <li>– Peristiwa ibu Unong Siron menemani Unong Siron menjalani pembedahan di Pusat Rawatan Pantai. Peristiwa ini menyentuh hati pembaca dan memberikan mesej kepada kita agar sentiasa mencurahkan kasih sayang kepada anak-anak sama ada ketika senang atau susah demi membina keluarga bahagia.</li> </ul>	3
	<p><b>(e) <i>Songket Berbenang Emas karya Khairuddin Ayip</i></b></p>	
	<ul style="list-style-type: none"> <li>– Peristiwa Haji Sulaiman membantu menghantar Saleha ke Hospital Batu Pahat untuk menerima rawatan. Sebelum itu, kedua-dua mereka mempunyai salah faham. Peristiwa ini menyentuh hati pembaca dan memberikan mesej kepada kita agar melupakan persengketaan sebaliknya bersedia menghulurkan pertolongan kepada sesiapa sahaja yang memerlukannya.</li> </ul>	3
	<ul style="list-style-type: none"> <li>– Peristiwa Dahlia yang baru tiba di Hospital Batu Pahat untuk melawat emaknya yang menerima rawatan di situ. Namun demikian, Haji Sulaiman memaklumkan kepadanya bahawa emaknya telah dipindahkan ke Hospital Permai di Johor Bahru, Johor. Peristiwa ini menyentuh hati pembaca kerana dengan jelas kelihatan kepayahan Dahlia yang ingin melawat ibunya namun dia tidak tahu tentang perpindahan hospital ibunya dirawat.</li> </ul>	3
	<p><b>(f) <i>Tirani karya Beb Sabariah</i></b></p>	
	<ul style="list-style-type: none"> <li>– Peristiwa Dr. Rusdi meminta Waheeda datang ke SMC untuk rawatan dan pembedahan segera pada bahagian hidungnya. Waheeda berharap agar wajahnya pulih sebelum dia pulang ke Kuching untuk majlis pertunangannya dengan Zahid. Peristiwa ini menyentuh hati pembaca kerana setelah Waheeda bersusah payah, namun pertunangannya dengan Zahid tidak dapat berlangsung seperti yang dirancang.</li> </ul>	3
	<ul style="list-style-type: none"> <li>– Peristiwa Raidah yang pergi ke Sarawak seorang diri untuk menemui anaknya. Peristiwa ini memberikan mesej kepada kita agar setiap individu perlu meletakkan kasih sayang terhadap anak yang sedang dirawat di hospital melebihi kepentingan lain.</li> </ul>	3
	<p><b>(g) <i>Bimasakti Menari karya Sri Rahayu Mohd Yusop</i></b></p>	
	<ul style="list-style-type: none"> <li>– Peristiwa pembentangan projek Kawasan Simpan Langit Gelap mendapat tentangan daripada Dato' Johann Arlington-Majid. Dato' Johann Arlington-Majid cuba membatalkan projek tersebut dengan mengemukakan pelbagai soalan kepada Nurul Hafsa semasa pembentangan projek tersebut. Peristiwa ini menyentuh hati pembaca kerana Nurul Hafsa dilihat sebagai seorang yang ditindas namun sentiasa bersemangat untuk berjaya dalam pembentangan tersebut.</li> </ul>	3
	<ul style="list-style-type: none"> <li>– Peristiwa Nurul Hafsa menasihati orang ramai agar tidak membuat kerosakan di atas muka bumi. Peristiwa ini memberikan mesej kepada kita agar sentiasa bersyukur dan menjaga kurniaan Tuhan yang sangat berharga dengan tidak merosakkan alam sekitar ketika melaksanakan apa-apa projek di muka bumi.</li> </ul>	3
	<p><b>(h) <i>Silir Daksina karya Nizar Parman</i></b></p>	
	<ul style="list-style-type: none"> <li>– Peristiwa berkaitan dengan konflik apabila Haiqal berasa amat rindu kepada ayahnya. Dia ingin menjejaki kehidupan ayahnya di Kampung Seri Purnama Parit Raja, Batu Pahat. Namun demikian, dia tahu bahawa uminya tidak akan membenarkannya ke sana. Peristiwa ini menyentuh hati pembaca kerana anak yang sudah lama tidak bertemu dengan bapanya mesti rindu akan kasih sayang tersebut dan mahukannya sementara dia meningkat remaja.</li> </ul>	3

SOALAN	JAWAPAN	Markah
	<ul style="list-style-type: none"> <li>– Peristiwa Tauke Lim membuat pelbagai kerja kampung untuk meneruskan kehidupan. Kegigihan Tauke Lim memberi pengajaran kepada kita semua untuk terus berusaha dalam memastikan kejayaan dalam hidup di muka bumi ini. Sebagai pembaca, sikap Tauke Lim menyentuh hati kerana ramai remaja sekarang mengeluh dengan takdir walaupun mereka belum berhadapan dengan situasi yang mencabar.</li> </ul> <p style="text-align: right;"><b>[Maksimum markah: 6 markah]</b></p>	3
<b>Bahagian C</b> <b>Soalan 9</b> <b>Rumusan</b>	<p><b>Pendahuluan</b></p> <ul style="list-style-type: none"> <li>– Rumusan membincangkan manfaat Teknologi Maklumat dan Komunikasi (TMK) dalam bidang perubatan dan cara-cara untuk memperkasakannya. <span style="float: right;">2</span></li> <li>– Rumusan membincangkan manfaat Teknologi Maklumat dan Komunikasi. <span style="float: right;">1</span></li> </ul> <p><b>Isi-isi</b></p> <p><b>Bahan 1 (F1) – Manfaat TMK dalam bidang perubatan</b></p> <ul style="list-style-type: none"> <li>– Mampu memberikan rawatan yang lebih efektif dan cekap kepada pesakit. <span style="float: right;">2</span></li> <li>– Telah menyediakan kemudahan infrastruktur dan perkhidmatan kepada banyak hospital bagi meningkatkan kualiti sistem penyampaian perkhidmatan. <span style="float: right;">2</span></li> <li>– TMK juga berupaya memberikan sokongan teknikal kepada warga hospital. <span style="float: right;">2</span></li> <li>– Dapat membantu hospital menjalankan fungsi-fungsi tertentu secara cekap, berkesan dan berterusan. <span style="float: right;">2</span></li> </ul> <p><b>Bahan 1 (F2) – Cara memperkasakan TMK</b></p> <ul style="list-style-type: none"> <li>– Pihak hospital itu sendiri hendaklah menyediakan prasarana teknologi mengikut jadual pelaksanaannya yang ditetapkan. <span style="float: right;">2</span></li> <li>– Pengendalian TMK perlu diletakkan di bawah tanggungjawab Unit IT yang dikawal selia dengan baik oleh pihak bertanggungjawab. <span style="float: right;">2</span></li> <li>– Pihak hospital juga hendaklah memastikan rangkaian dan perkhidmatan Internet beroperasi sekurang-kurangnya 90% dalam satu-satu masa. <span style="float: right;">2</span></li> </ul> <p><b>Bahan 2 (F1) – Cara memperkasakan TMK</b></p> <ul style="list-style-type: none"> <li>– Memberikan pendedahan dan latihan TMK berdasarkan permintaan dan keperluan. <span style="float: right;">2</span></li> <li>– Pemerkasaan rangkaian dan keselamatan terhadap TMK <span style="float: right;">2</span></li> <li>– Penyaluran khidmat nasihat TMK <span style="float: right;">2</span></li> </ul> <p><b>Bahan 3 (F1) – Manfaat TMK</b></p> <ul style="list-style-type: none"> <li>– Melahirkan generasi yang bijak <span style="float: right;">2</span></li> <li>– Mampu meningkatkan kualiti hidup <span style="float: right;">2</span></li> <li>– Memberikan pelbagai kejayaan kepada negara <span style="float: right;">2</span></li> </ul> <p><b>Kesimpulan</b></p> <p>Kesimpulannya, Teknologi Maklumat dan Komunikasi dalam bidang perubatan perlu digunakan sebaiknya agar sektor berkenaan berkembang maju <span style="float: right;">2</span></p> <p style="text-align: right;"><b>[Maksimum markah: 30 markah]</b></p>	

**Bahagian A : Taksiran Individu**

- 1 Arkeopelancongan merupakan usaha pengekaln dan pemuliharaan tapak warisan arkeologi untuk dibangunkan bagi dijadikan sebagai suatu destinasi pelancongan yang menarik.
- 2 Dato' Dr. Zainah Ibrahim pula menyeru semua agar sama-sama berganding bahu dalam meneruskan agenda pemuliharaan dan pemeliharaan warisan negara dan terus melaporkan kepada pihak berkuasa jika berdepan dengan sebarang aktiviti penjarahan terhadap warisan.
- 3 Dua manfaat industri pelancongan kepada rakyat dan negara adalah dari segi ekonomi. Ekonomi negara bergantung kepada industri pelancongan. Sebagai contoh, sosioekonomi di luar bandar dapat berkembang apabila mendapat peluang pekerjaan seperti pemandu pelancong atau membuka rumah inap dan restoran untuk menampung kehadiran pelancong. Dalam kawasan bandar pula, pelancongan kesihatan dapat dijana oleh hospital-hospital swasta sekali gus menambah bilangan pengunjung dan hotel di kawasan sekitar. Hal ini dikatakan demikian kerana perkhidmatan kesihatan di negara adalah berpatutan berbanding di negara asal pelancong dan mereka melakukan aktiviti pelancongan kesihatan untuk menjimatkan kos perkhidmatan yang diinginkan oleh mereka. Selain itu, manfaat industri pelancongan secara tidak langsung telah menggalakkan penambahbaikan infrastruktur di dalam negara kita. Hari ini, hampir setiap negeri sudah mempunyai lapangan terbang dan menawarkan penerbangan antarabangsa seperti di Lapangan Antarabangsa Langkawi. Pelancong mendapat akses yang mudah untuk ke tempat yang ditujui tanpa perlu mengharungi perjalanan yang jauh seperti dahulu kala. Infrastruktur seperti jalan raya dan pengangkutan awam juga menjadi semakin baik apabila kawasan luar bandar yang mempunyai kawasan tarikan pelancong seperti pantai atau air terjun dan gua memerlukan tahap ketersampaian oleh pelancong.
- 4 Pada pendapat saya, langkah pertama yang perlu diusahakan dalam memastikan industri pelancongan negara berada di tahap terbaik adalah dengan meningkatkan prasarana awam. Pihak kerajaan berperanan dalam melengkapkan kemudahan awam seperti jaringan pengangkutan dan perhubungan di dalam negara supaya dapat menjamin keselesaan pelancong untuk berkunjung ke seluruh kawasan di Malaysia. Dengan adanya rangkaian perhubungan yang lengkap seperti lapangan terbang, lebuh raya dan pengangkutan awam yang efektif, tahap ketersampaian akan menjadi lebih baik. Hasilnya, pelancongan arkeo, desa dan agro dapat meningkatkan jumlah pelancong domestik mahupun antarabangsa kerana sambil menyelam minum air. Inisiatif melengkapkan prasarana awam bukan sahaja dapat meningkatkan industri pelancongan malah memastikan kesejahteraan hidup masyarakat konvensional terjamin. Seiring dengan langkah di atas, industri pelancongan akan bertambah maju sekiranya pihak berkuasa mengukuhkan tahap keselamatan dalam negara. Mutakhir ini, pelbagai kes jenayah seperti kes penculikan, ragut dan rompak telah memenuhi dada-dada akhbar serta menjadi berita utama di televisyen. Senario ini akan menimbulkan kebimbangan para pelancong terutamanya pelancong asing yang berhasrat untuk berkunjung ke Malaysia. Bagi menjernihkan air yang semakin keruh, pihak berkuasa hendaklah melaksanakan inisiatif keselamatan negara yang lebih menyeluruh. Sebagai contoh, penambahan bilangan anggota keselamatan di kawasan tumpuan pelancong atau pemasangan kamera litar tertutup sebagai mata-mata yang mampu menjejak perkara yang meragukan atau berpotensi menyebabkan kejadian jenayah berlaku. Intihannya, pelancong akan lebih selesa untuk berkunjung tanpa memikirkan ancaman keselamatan terhadap diri mereka serta imej negara terpelihara.

**Bahagian B : Taksiran Kumpulan**

Pada era ledakan sains dan teknologi ini, kita sebagai rakyat Malaysia seharusnya tidak melupai warisan sejarah kerana warisan sejarah ini amat penting untuk diwariskan kepada generasi yang akan datang. Walaupun sejarah agak membosankan bagi sesetengah orang, adalah amat penting untuk kita mengekalkan warisan sejarah tersebut. Usaha pengekaln warisan sejarah boleh dilakukan dengan memelihara dan memulihara bahan-bahan atau perkara-perkara yang berkaitan dengan sejarah. Pemeliharaan dan pemuliharaan warisan sejarah adalah amat penting kerana melalui kaedah ini, warisan sejarah akan dapat dikekalkan dan dijadikan bahan pengajaran untuk generasi akan datang sekiranya mereka berusaha untuk memahami dan mendalami sejarah. Sesungguhnya, kita tahu pemeliharaan dan pemuliharaan warisan sejarah adalah amat penting tetapi, apakah langkah-langkah yang sesuai untuk memelihara dan memulihara warisan sejarah tersebut?

Pada realitinya, bagi memelihara dan memulihara warisan sejarah ialah peranan pihak berkuasa melalui Kementerian Pendidikan Malaysia menjadikan mata pelajaran Sejarah sebagai mata pelajaran yang

wajib bagi setiap pelajar. Hal ini dikatakan demikian kerana pelajar akan dapat belajar serta lebih memahami apa-apa yang telah berlaku pada negara kita, Malaysia. Selain itu, kaedah ini juga mampu menyedarkan masyarakat Malaysia terutamanya dalam kalangan pelajar tentang kepentingan sejarah untuk terus diingati oleh semua lapisan masyarakat. Beberapa pengajaran boleh didapati melalui mata pelajaran Sejarah. Antara pengajaran tersebut adalah seperti berhati-hati dengan kuasa asing sebagaimana yang berlaku pada tanah air kita beberapa tahun lalu yang telah berjaya dikuasai oleh kuasa asing kerana pihak negara kita yang kurang berwaspada dengan kuasa asing pada ketika itu. Selain itu, sejarah juga mengajar masyarakat Malaysia untuk tidak bersikap individualistik sebaliknya lebih bersikap bagai aur dengan tebing. Hal yang demikian membuktikan betapa pentingnya sejarah untuk dipelajari dan dikekalkan untuk generasi akan datang.

Pada nada yang sama, sejarah juga boleh dipulihara dan dipelihara melalui kaedah pemeliharaan dan pemuliharaan bangunan yang bersejarah seperti Fort Cornwallis di Pulau Pinang, A Famosa dan Dutch Square di Melaka. Bangunan tersebut merupakan bangunan peninggalan bagi penjajahan Inggeris, Portugis dan Belanda di Malaysia yang berlangsung selama lebih dari 300 tahun. Bangunan-bangunan bersejarah seperti yang tersebut dapat memberikan bukti visual tentang sejarah silam negara. Bangunan-bangunan bersejarah tersebut juga boleh membezakan negara kita dengan negara lain kerana bangunan-bangunan tersebut boleh membekalkan ciri-ciri fizikal yang berbeza daripada negara-negara lain. Pemeliharaan dan pemuliharaan bangunan-bangunan bersejarah ini juga mampu meningkatkan bilangan pelancong yang datang ke negara kita. Di sini, boleh kita simpulkan bahawa sejarah bukan sahaja penting untuk generasi akan datang malah sejarah juga penting untuk membangunkan dan memajukan negara dari pelbagai bidang seperti bidang pelancongan.

Seterusnya, pihak Kementerian Kebudayaan, Kesenian dan Pelancongan menggalakkan penyelidikan tentang cara terbaik untuk menjaga dan memulihara khazanah bersejarah negara dengan mengadakan peruntukan khas. Contohnya, negeri Kelantan telah menerima anugerah “The Best Tourism City” daripada Kementerian Kebudayaan, Kesenian dan Pelancongan pada tahun 1990-an. Anugerah seperti ini mampu menggalakkan masyarakat yang agak bersifat ‘materialistik’ untuk terus memelihara dan memulihara harta bersejarah negara. Begitu juga di Pulau Pinang. Terdapat beberapa khazanah yang bersejarah seperti Bangunan Cheong Fatt Tze yang telah dianugerahi Pingat Unesco Heritage 2000 Award kerana usaha pemeliharaannya. Sebagaimana yang dapat dilihat masyarakat pada hari ini agak mementingkan kebendaan walaupun sedikit. Dengan mengadakan peruntukan khas, pastinya banyak khazanah dan harta bersejarah negara dapat dipulihara dan dipelihara. Jelaslah bahawa melalui kaedah ini khazanah bersejarah yang penting dapat dijaga dan dipulihara.

Sebagai cetusan minda yang seterusnya, warisan sejarah juga boleh dikekalkan dengan mengadakan hari ‘Sejarah Sedunia’ bagi setiap beberapa tahun. Hari Sejarah Sedunia perlulah mempunyai matlamat yang jelas sebagai hari mengingati sejarah. Antara kaedah untuk menjadikan sejarah lebih menarik adalah dengan mengadakan lakonan semula seperti mengadakan filem atau lain-lain lagi. Filem tersebut perlulah dijadikan menarik dan tidak terlalu mengikut fakta sejarah. Fakta sejarah memanglah agak penting, tetapi filem yang terlalu mengikut fakta sejarah kadang-kadang boleh menjadikan filem tersebut agak membosankan untuk ditonton. Oleh hal yang demikian, penerbit filem perlulah lebih peka dengan minat semua lapisan masyarakat. Terdapat beberapa lapisan masyarakat yang lebih berminat dengan cerita-cerita aksi ganas, mendebarkan, suspen dan lain-lain lagi. Melalui kaedah ini bukan sahaja sejarah yang akan diingati semula malah perfileman negara juga mampu dibaik pulih. Kaedah ini ibarat menyelam sambil minum kerana dua kerja dapat dilakukan dalam satu perkara.

Intihanya, terdapat beberapa langkah yang boleh dilakukan untuk memelihara dan memulihara warisan sejarah. Beberapa pihak juga perlulah berganding bahu dan mengembleng tenaga dalam usaha mengekalkan peninggalan nenek moyang untuk generasi akan datang. Sejarah negara amat penting untuk generasi akan datang memandangkan terdapat beberapa faedah bagi mereka jika mereka memahami dan mengetahui sejarah negara. Antara faedah tersebut adalah seperti generasi akan datang akan mengenali asal usul negara, memahami pengajaran tentang sejarah negara dan lebih mengetahui kepentingan-kepentingan sejarah. Oleh itu, bersama-samalah kita berusaha untuk mengekalkan warisan sejarah negara. Usaha ini bukan sahaja mendatangkan faedah kepada kita malah kepada generasi akan datang. Tambahan pula usaha tangga kejayaan, sekiranya kita sama-sama berusaha pastinya kejayaan akan dicapai dan matlamat negara untuk mengekalkan sejarah negara kepada generasi akan datang akan turut dicapai.

**PETIKAN PERTAMA**

- 1 Keadaan Ahmad Mutawakkil mengerekot, kami nampak luka besar di belakang bahunya bekas tusukan peluru.
- 2 **B**
- 3 Jalan yang dulunya tanah merah batu lada, sudah dikejapkan; tak lagi becak kala musim hujan, dan kurang berkeladak pada musim kemarau.
- 4 Tuan Booth yang murah dengan senyuman itu, lama-kelamaan menjadi sebahagian panorama kampung

**PETIKAN KEDUA**

- 1 **A**
- 2 Dua jenis perbuatan buli yang sering berlaku dalam kalangan masyarakat di negara ini ialah buli fizikal dan buli mental.
- 3 Tiga tindakan buli fizikal yang sering dilakukan oleh pembuli kepada mangsa buli ialah memukul, menumbuk, menyepak, menolak atau mencubit
- 4 psikolgi dan emosi mangsa buli
- 5 penderaan fizikal.

**PETIKAN KETIGA**

- 1 Encik Muiz meminati bidang penulisan skrip drama kerana remaja pada hari ini suka akan hiburan dan beliau ingin menyampaikan informasi-informasi yang baik dan berkesan melalui penulisan skrip drama saya kepada remaja.
- 2 Skrip drama ialah perkara yang ditulis tentang beberapa idea atau perkara telah dicatat secara ringkas dan teratur untuk dijadikan panduan untuk tujuan tertentu.
- 3 Dalam skrip novel dan cerpen situasi dan latar bagi peristiwa yang berlaku akan dijelaskan secara rinci kepada pembaca, skrip drama pula, pembaca pula hanya akan diberikan gambaran umum tentang situasi, latar, atau tempat.
- 4 Empat contoh unsur dramatik tersebut ialah marah, lucu, gembira, ketegangan, kejutan dan rasa ingin tahu.

**PETIKAN KEEMPAT**

- 1 **B**
- 2 Dua kementerian tersebut ialah Kementerian Pertahanan (Industri Pertahanan Maritim dan Aerongkasa) dan Kementerian Pengangkutan (Industri Komersil Maritim dan Aeroangkasa).
- 3 Kementerian Pertahanan menjadikan Langkawi sebagai lokasi yang terbaik bagi penganjuran Pameran Maritim dan Aeroangkasa Antarabangsa Langkawi kerana kawasan yang paling sesuai dan strategik untuk menempatkan pelbagai aset ketenteraan, ruang udara yang tidak sibuk dan infrastruktur yang mencukupi.
- 4 Tujuan Pameran Udara dan Maritim Antarabangsa Langkawi 2023 untuk menjadi platform bagi pesawat-pesawat ringan dan eksperimen untuk diterbangkan bagi mengelakkan kesesakan trafik udara.
- 5 Lima negara yang terkenal dengan pertunjukan udara ialah Rusia, Thailand, Indonesia, Korea Selatan dan Emiriah Arab Bersatu (UAE).

SOALAN	CADANGAN ISI
<p><b>Bahagian A</b></p>	<p><b>Pendahuluan</b> Kompos ialah baja organik yang terhasil daripada penguraian bahan-bahan organik seperti dedaun kering dan rumput – kandungan baja kompos sangat baik disebabkan kandungan mikroorganisma tanah yang tinggi – akan memecahkan sisa organik kepada nutrien yang boleh diserap pokok</p> <p><b>Isi 1</b> Baja ini memperbaiki struktur tanah dan membekalkan nutrien berterusan – apabila kompos diletakkan di atas tanah sedia ada ia menambah karbon dan nitrogen – digunakan oleh tumbuhan untuk pertumbuhan dan fotosintesis – membantu mengekalkan air untuk kegunaan tumbuhan</p> <p><b>Isi 2</b> Menggalakkan mikrob baik untuk tanah – mikroorganisma seperti bakteria, kulat dan protozoa akan mengurai bahan organik – kehadirannya penting untuk mengudarkan tanah yang mempercepat proses perkomposan, menukar nitrogen kepada bentuk yang boleh digunakan – menangkis penyakit tumbuhan</p> <p><b>Kesimpulan</b> Banyak kebaikan baja kompos daripada sampah organik dibiarkan terbengkalai – merosakkan alam sekitar dan menimbulkan masalah kesihatan bagi haiwan dan manusia – mengurangkan beban terhadap alam sekitar dan memastikan sisa makanan tidak dijadikan sampah biasa tetapi menyumbang kepada alam sekitar sebagai baja</p>
<p><b>Bahagian B</b></p> <p><b>Soalan 1</b></p>	<p><b>Pendahuluan</b> Rancangan Integrasi Murid untuk perpaduan (RIMUP) merupakan program yang dibangunkan untuk memupuk perpaduan murid melalui pelbagai program – usaha memupuk kesepaduan sosial dalam kalangan pelajar berbeza etnik – program ini menggariskan empat objektif utama, iaitu menggalakkan penyertaan masyarakat setempat, guru dan warga sekolah – bertujuan menangkis tohmahan menyatakan generasi muda tidak lagi mengamalkan norma dan nilai kemanusiaan</p> <p><b>Isi 1</b> Mewujudkan sikap saling kerjasama, tolong-menolong dan mewujudkan suasana muhibah secara sedar dan terancang – menerusi pelbagai aktiviti murid-murid akan menanamkan sikap positif dengan melatih diri untuk menjadi masyarakat yang proaktif – mereka juga diasuh untuk mengamalkan nilai bantu-membantu dalam aktiviti seperti aktiviti gotong-royong dan khidmat masyarakat yang dirancang – perkara ini penting dalam mengekalkan keharmonian negara yang bermula dari peringkat usia muda lagi – melentur buluh biarlah dari rebung</p> <p><b>Isi 2</b> Melahirkan persefahaman dan sikap toleransi antara murid pelbagai kaum di sekolah – murid-murid diajar untuk menanamkan sikap profesional dengan sentiasa berfikir secara rasional sebelum bertindak – ramai murid kini yang bijak dalam mata pelajaran namun masih belum berupaya untuk mengukuhkan persefahaman bersama rakan-rakan – atas sebab itu, gejala buli di sekolah semakin membimbangkan masyarakat – merosakkan sistem pendidikan yang sepatutnya menjadi platform terbaik untuk murid-murid membina</p>

SOALAN	CADANGAN ISI
	<p>karakter masing-masing – RIMUP dilihat mampu mengatasi masalah itu kerana murid akan melaksanakan pelbagai tugas bersama-sama mengikut pecahan kumpulan yang telah ditetapkan oleh guru</p> <p><b>Isi 3</b></p> <p>RIMUP juga boleh menonjolkan bakat kepimpinan dan daya saing yang sihat dalam kalangan pelajar – sikap ini penting untuk memastikan negara sentiasa dipandang hormat – RIMUP memberi peluang kepada generasi muda untuk memimpin sesebuah organisasi atau kumpulan dengan cara yang betul – mereka juga belajar dipimpin sekali gus mengukuhkan disiplin untuk masa depan yang lebih terjamin – dalam aktiviti yang dianjurkan pasti ada seorang ahli dilantik sebagai pemimpin – ahli yang lain perlu mematuhi dan sentiasa menyalurkan idea bernas untuk kelangsungan kumpulan – perkara ini melatih mereka membina karakter untuk masa hadapan</p> <p><b>Kesimpulan</b></p> <p>Program RIMUP perlu diteruskan di sekolah untuk memastikan pelajar-pelajar diterapkan dengan pelbagai nilai – mereka merupakan aset negara yang akan memimpin negara pada masa akan datang – Kementerian Pendidikan juga disarankan untuk merangka pelbagai garis panduan untuk menambah keunikan pengisiannya agar murid boleh menyertai aktiviti dengan terbuka – pelajar juga hendaklah sentiasa melibatkan diri dalam pelaksanaan program ini untuk meningkatkan kesedaran tentang pentingnya perpaduan di negara ini</p>
<p><b>Soalan 2</b></p>	<p><b>Pendahuluan</b></p> <p>Golongan peladang, penternak dan nelayan diiktiraf sebagai wira negara bersesuaian dengan jasa dan kepentingan golongan berkenaan – kepentingan golongan itu juga seiring dengan Pelan Tindakan Dasar Sekuriti Makanan – negara perlu meningkatkan kapasiti pengeluaran sumber makanan dan mengurangkan kebergantungan terhadap import makanan yang memberi kesan negatif terutamanya terhadap sektor ekonomi – FAMA perlu sentiasa memainkan peranan membantu para penggiat industri pertanian untuk kekal berdaya saing</p> <p><b>Isi 1</b></p> <p>Membantu para usahawan untuk menerokai peluang eksport bagi menggalakkan usahawan menceburi bidang ini dengan lebih luas – ramai usahawan mempunyai potensi tetapi tidak mempunyai maklumat khusus berkaitan cara untuk mengembangkan produk mereka ke pasaran yang lebih luas – hanya tertumpu kepada perusahaan berskala kecil kerana tidak mendapat pendedahan – FAMA perlu kerap melaksanakan jelajah pertanian terutamanya yang melibatkan kawasan luar bandar – pendedahan secara terperinci membantu usahawan membuka mata dan mengembangkan perniagaan mereka ke peringkat lebih tinggi – menandingi produk-produk luar negara yang semakin banyak memasuki negara kita – cendawan tumbuh selepas hujan – usahawan perlu kerap mencari maklumat di laman sesawang</p> <p><b>Isi 2</b></p> <p>Menyediakan khidmat nasihat dan bimbingan eksport serta mengatur sesi padanan perniagaan – usahawan perlu mengetahui bahawa FAMA mempunyai kumpulan penasihat untuk mengukuhkan perniagaan sektor pertanian – ilmu-ilmu berkaitan eskport bahan hendaklah dipelajari untuk mengelakkan usahawan itu ditipu oleh pihak tidak berkepentingan – ilmu tersebut sangat penting untuk memastikan sektor pertanian lebih maju ke seantero dunia – perbincangan antara delegasi dan kita hendaklah dipelajari untuk mengelakkan – lebih ramai yang mampu meningkatkan profesional dalam diri sesuai dengan usaha kerajaan untuk membaik pulih ekonomi negara kini</p>

SOALAN	CADANGAN ISI
	<p><b>Isi 3</b> Mengetahui pasti produk yang berpotensi untuk menembusi sesuatu pasaran serta penambahbaikan – setiap produk mempunyai kelebihan tersendiri namun potensi itu perlu diserlahkan oleh pihak berautoriti – usaha itu membolehkan FAMA untuk menyarankan pelbagai penambahbaikan dari segi pengurusan, kewangan dan peluang pengembangan – pihak FAMA seharusnya mengadakan lebih banyak jelajah pertanian untuk bertemu dengan para petani untuk membantu kaedah pemasaran yang terbaik</p> <p><b>Kesimpulan</b> Banyak lagi bantuan yang boleh disalurkan kepada petani selain daripada kewangan – petani hendaklah sentiasa mengambil cakna terhadap sebarang pengumuman pihak kerajaan untuk merebut peluang yang diperuntukkan – untuk itu, mereka perlu juga menguasai kemahiran teknologi kini untuk sentiasa mengemas kini pengumuman dan sentiasa berusaha untuk menambah baik potensi yang dimiliki – yang bulat tidak datang bergolek yang pipih tidak datang melayang</p>
<p><b>Soalan 3</b></p>	<p><b>Pendahuluan</b> Penipuan sektor pelancongan merujuk kepada aktiviti tidak bermoral oleh individu atau kumpulan manusia semata-mata untuk mengaut keuntungan dalam sektor pelancongan secara tidak sah – boleh berlaku dalam bentuk tempahan hotel atau tiket kapal terbang atau penjualan pakej percutian yang tidak sama seperti dijanjikan – aktiviti ini boleh memberi kesan negatif kepada sektor pelancongan negara khususnya menjejaskan reputasi kawasan yang menjadi sasaran penipu – boleh menyebabkan kunjungan merosot dari tahun ke tahun</p> <p><b>Isi 1</b> Pihak kerajaan hendaklah menguatkuasakan undang-undang berkaitan aktiviti pelancongan – menunjukkan penstrukturan dan indikator yang lebih baik sehingga boleh mengurangkan kes-kes penipuan – melibatkan kerjasama daripada pihak kerajaan dan pengusaha pendustrian pelancongan – Akta Industri Pelancongan 1992 (482) yang mempromosikan, mengembangkan, dan mengatur industri pelancongan di Malaysia – penguatkuasaan ini perlu disebar luas agar masyarakat mengetahui hak mereka semasa melancong dan pelaku tidak sewenang-wenangnya terus menjalankan aktiviti tidak bermoral tersebut</p> <p><b>Isi 2</b> Para pelancong juga hendaklah mengoptimumkan penggunaan teknologi untuk menjalankan kajian sebelum pergi ke sesuatu tempat pelancongan terutamanya yang melibatkan pembayaran dalam talian yang banyak memberikan risiko kepada para pelancong – teknologi juga boleh memantau segala aktiviti penipuan menerusi pembacaan di media sosial digital supaya kegiatan sama tidak berulang kelada diri pelancong</p> <p><b>Isi 3</b> Masyarakat juga memainkan peranan dalam mengatasi penipuan pelancongan dengan membantu memberikan informasi kepada para pelancong – mereka hendaklah meningkatkan sikap berhati-hati dalam kalangan pelancong bahawa sentiasa beringat kepada aktiviti penipuan yang sering berlaku di sesuatu kawasan pelancongan – membantu juga para pelancong untuk melaporkan sebarang jenayah yang berlaku agar tindakan sewajarnya boleh terus dilakukan dan tidak memberi kesan negatif kepada pengunjung yang lain – mencegah lebih baik daripada mengubati</p>

SOALAN	CADANGAN ISI
	<p><b>Kesimpulan</b> Sentiasalah beringat bahawa aktiviti penipuan pelancongan perlu diatasi demi kesejahteraan semua namun tidak boleh berpeluk tubuh sahaja – memerlukan pencegahan dan penguatkuasaan yang lebih serius dan efektif – undang-undang sedia ada perlu terus dikuatkuasakan untuk melindungi para pelancong sekali gus terus mengharumkan nama negara di seantero dunia – tidak hanya mengharapkan peranan kerajaan tetapi usaha tersebut melibatkan peranan semua pihak bagi mewujudkan suasana pelancongan yang tenang dan memberikan pengalaman manis kepada para pelancong</p>
<p><b>Soalan 4</b></p>	<p><b>Pendahuluan</b> Sabam hari kemalangan jalan raya terus meningkat sekai gus meragut pelbagai nyawa di negara ini – justeru pihak Kementerian Pendidikan menjalankan Program Keselamatan Jalan Raya (PKJR) untuk memberikan kesedaran kepada masyarakat terutamanya pelajar-pelajar – supaya mereka memahami tentang isu keselamatan, risiko dan amalan terbaik ketika berada di jalan raya seterusnya berkongsikannya kepada ibu bapa – namun, program tersebut belum mencapai matlamatnya secara menyeluruh</p> <p><b>Isi 1</b> Disebabkan pelajar tidak menganggap kurikulum itu tidak penting dan bukan sebahagian elemen dalam pentaksiran – mereka berfikir bahawa pendidikan itu belum diaplikasikan dalam hidupnya kerana kenderaan yang ada di rumah dimiliki dan dipandu oleh ibu bapa – sedangkan mereka sepatutnya mengetahui semua tanda baca terutamanya yang melibatkan pejalan kaki, penunggang basikal serta tanda baca yang berhampiran dengan sekolah – Sebagai contoh, papan tanda melintas jalan di hadapan sekolah dan kenderaan perlu memperlahankan kelajuan dan tidak melebihi had laju 30 kilometer sejam – Murid-murid boleh menasihati ibu bapa untuk membawa kenderaan dengan mematuhi had laju yang ditetapkan setiap kali melalui jalan di hadapan sekolah – melentur buluh biarlah dari rebungunya</p> <p><b>Isi 2</b> Pengajaran di sekolah tidak dipelbagaikan untuk menarik perhatian pelajar – sepatutnya pembelajaran berasakan aktiviti perlu disesuaikan dengan kandungan mata pelajaran ini agar murid-murid boleh melihat teori di dalam buku teks secara lebih jelas – namun ada sebahagian guru yang hanya memberikan nota kepada pelajar tanpa menunjukkan simulasi kepada murid – menyebabkan mereka bosan dan tidak berasa kepentingannya – lebih-lebih lagi belum masa untuk mereka untuk menduduki ujian Jabatan Pengangkutan Jalan (JPJ) yang akan dihadapi pada usia 17 tahun – ada juga guru yang menggunakan waktu itu untuk mata pelajaran yang berkaitan peperiksaan sekali gus PKJR tidak berjalan seperti yang telah dirancang oleh pihak kementerian – pemantauan perlu dilakukan oleh pihak berwajib</p> <p><b>Isi 3</b> Murid-murid itu sendiri tidak mengaplikasikan pembelajaran dalam kehidupan harian – ini melibatkan kesedaran sendiri yang perlu dimiliki oleh murid-murid itu sendiri – boleh disaksikan ramai samseng jalanan melibatkan penunggang motosikal bawah umur atau pelajar sekolah – mereka mengubah suai kenderaan tanpa mengikut spesifikasi yang ditetapkan JPJ, tidak memakai topi keledar ketika ke sekolah dan melakukan aktiviti berbahaya ketika menunggang motosikal – justeru pihak berkuasa menerusi pegawai perhubungan sekolah hendaklah kerap hadir ke sekolah untuk memberikan teguran dan amaran serta meningkatkan kesedaran dalam kalangan murid-murid</p>

SOALAN	CADANGAN ISI
	<p><b>Kesimpulan</b></p> <p>Banyak kepentingan yang diperoleh daripada pendidikan keselamatan jalan raya – justeru, pihak berkuasa seharusnya meningkatkan usaha dalam berkempen untuk memberikan kesedaran kepada masyarakat umum tentang kepentingan mendidik seseorang – pengguna jalan raya yang semakin bertambah dari hari ke hari perlu sejajar dengan inisiatif dalam memastikan jalan raya di seluruh pelusuk negara kita selamat dan baik – kecuaiannya manusia yang merupakan antara faktor utama kemalangan berlaku dapat dielakkan dengan langkah-langkah tertentu yang terkandung dalam pendidikan keselamatan jalan raya</p>

## KERTAS 2

SOALAN	JAWAPAN	Markah
<p><b>Bahagian A:</b></p> <p><b>Soalan 1</b> <b>Morfologi</b></p>	<p><b>Empat kata adjektif perasaan:</b></p> <p>gembira – Adik berasa sungguh gembira kerana ayah menghadiahkannya sebuah basikal bersempena dengan ulang tahun kesepuluhnya.</p> <p>bosan – Sikap bosan dalam menuntut pelajaran perlu diatasi oleh murid-murid bagi menjamin masa depan mereka yang cemerlang.</p> <p>sayang – Puan Aminah amat sayang akan anak-anaknya namun masih mengekalkan nilai disiplin dalam membentuk keperibadian mereka.</p> <p>seronok – Anak-anak Encik Razali sungguh seronok apabila mereka dibawa ke taman tema air pada hujung minggu yang lalu.</p> <p>bahagia – Walaupun hidupnya serba sederhana namun, Mak Milah tetap bahagia bersama ahli keluarganya yang tidak meninggalkannya keseorangan di kampung.</p> <p style="text-align: right;"><b>[Maksimum markah: 8 markah]</b></p>	<p>1</p> <p>1</p> <p>1</p> <p>1</p> <p>1</p> <p>1</p> <p>1</p> <p>1</p>
<p><b>Soalan 2</b> <b>Sintaksis</b></p>	<p>– Covid-19 merupakan penyakit berjangkit yang berpunca daripada <i>straincoronavirus</i> yang baru ditemui</p> <p style="padding-left: 40px;">Subjek : Covid-19</p> <p style="padding-left: 40px;">Predikat : merupakan penyakit berjangkit yang berpunca daripada <i>straincoronavirus</i> yang baru ditemui.</p> <p>– Kes Covid-19 pertama di Malaysia dikesan pada 24 Januari 2020 sebelum bermulanya kisah ‘hitam’ rakyat Malaysia.</p> <p style="padding-left: 40px;">Subjek : Kes Covid-19 pertama di Malaysia</p> <p style="padding-left: 40px;">Predikat : dikesan pada 24 Januari 2020 sebelum bermulanya kisah ‘hitam’ rakyat Malaysia.</p>	<p>2</p> <p>2</p>

SOALAN	JAWAPAN	Markah														
	<p>– Kementerian Kesihatan Malaysia sentiasa berhubung dengan pihak antarabangsa termasuk Pertubuhan Kesihatan Sedunia (WHO) untuk menangani wabak ini.</p> <p>Subjek : Kementerian Kesihatan Malaysia</p> <p>Predikat : sentiasa berhubung dengan pihak antarabangsa termasuk Pertubuhan Kesihatan Sedunia (WHO) untuk menangani wabak ini.</p> <p>[Maksimum markah: 6 markah]</p>	2														
Soalan 3 Penyuntingan	<b>Petikan 1</b>															
	<table border="1"> <thead> <tr> <th>Salah</th> <th>Betul</th> </tr> </thead> <tbody> <tr> <td>diatas</td> <td>di atas</td> </tr> <tr> <td>menghaselkan</td> <td>menghasilkan</td> </tr> <tr> <td>berbagai</td> <td>berbagai-bagai</td> </tr> <tr> <td>bagaimana</td> <td>bagaimanakah</td> </tr> <tr> <td>dari</td> <td>daripada</td> </tr> <tr> <td>hangat</td> <td>tinggi</td> </tr> </tbody> </table>	Salah	Betul	diatas	di atas	menghaselkan	menghasilkan	berbagai	berbagai-bagai	bagaimana	bagaimanakah	dari	daripada	hangat	tinggi	1
	Salah	Betul														
	diatas	di atas														
	menghaselkan	menghasilkan														
	berbagai	berbagai-bagai														
	bagaimana	bagaimanakah														
	dari	daripada														
	hangat	tinggi														
			1													
			1													
			1													
			1													
		1														
	[Maksimum markah: 6 markah]															
	<b>Petikan 2</b>															
<table border="1"> <thead> <tr> <th>Salah</th> <th>Betul</th> </tr> </thead> <tbody> <tr> <td>December</td> <td>Disember</td> </tr> <tr> <td>di bahagian</td> <td>pada bahagian</td> </tr> <tr> <td>BonusInsentif</td> <td>Bonus Insentif</td> </tr> <tr> <td>Konsistan</td> <td>Konsisten</td> </tr> <tr> <td>Call</td> <td>Hubungi</td> </tr> </tbody> </table>	Salah	Betul	December	Disember	di bahagian	pada bahagian	BonusInsentif	Bonus Insentif	Konsistan	Konsisten	Call	Hubungi	1			
Salah	Betul															
December	Disember															
di bahagian	pada bahagian															
BonusInsentif	Bonus Insentif															
Konsistan	Konsisten															
Call	Hubungi															
		1														
		1														
		1														
		1														
	[Maksimum markah: 5 markah]															
<b>Soalan 4 Bahasa Melayu Standard</b>	<p>Seri Nara Diraja tidak ingin bekerjasama dengan Paduka Raja, yang sentiasa mempunyai kedudukan dan harta; kerana sudah beberapa kali lain Paduka Raja mendapat tahu bahawa Paduka Raja sudah berada di kampung Seri Nara Diraja. Oleh itu Sultan Muzaffar Syah telah mengetahui perkara tersebut dan baginda berasa sangat kecewa baginda melihat keadaan Paduka Raja dengan Seri Nara Diraja itu. Lalu baginda beranggapan, “Jika begini musnahlah negeri ini, kerana para pemimpin tidak bersatu hati satu sama lain.”</p> <p>[Maksimum markah: 4 markah]</p>	4														
<b>Soalan 5 Peribahasa</b>	– seperti cendawan tumbuh selepas hujan	2														
	– tuah ayam nampak di kaki, tuah manusia siapa tahu / hendak seribu daya tak hendak seribu dalih	2														
	– bagaimana acuan begitulah kuihnya / bapa borek anak rintik / ke mana tumpahnya kuah kalau tak ke nasi	2														
	[Maksimum markah: 6 markah]															

<p><b>Bahagian B:</b> <b>Soalan 6</b> <b>Petikan Umum</b></p>	<p>(i) makin senang  <p style="text-align: right;"><b>[Maksimum markah: 2 markah]</b></p> </p> <p>(ii) Kelebihan-kelebihan daripada perkembangan teknologi di negara:  <b>Bahan 1</b> – Usaha membangunkan bakat masa depan negara dan mencapai status berpendapatan tinggi.  – Membantu meningkatkan pemantauan, pengesanan dan pelaporan ancaman keselamatan siber.  – Meningkatkan ekosistem industri yang akan memberi manfaat kepada negara secara menyeluruh.  <b>Bahan 2</b> – Memudahkan pelbagai kerja seharian kita.  – Para suri rumah tidak perlu lagi membasuh kain dengan menggunakan tangan.  – Urusan di pejabat juga turut menerima kesan positif  <p style="text-align: right;"><b>[Isi cukup: 2]</b> <b>[Markah bahasa : 1 markah]</b></p> </p> <p>(iii) Dilakukan oleh pihak berkuasa untuk memastikan permasalahan tersebut tidak berterusan:  – Pihak kerajaan perlu bekerjasama dengan media massa untuk memberi kesedaran.  – Mengenakan tindakan kepada pelaku di bawah Akta Komunikasi.  – Menggalakkan program kesedaran di peringkat sekolah bagi memupuk nilai dalam kalangan murid.  <p style="text-align: right;"><b>[Isi cukup: 2]</b> <b>[Markah bahasa : 1 markah]</b></p> </p> <p>(iv) Sebagai rakan kelas Fatimah, nasihat yang boleh saya berikan:  – Bersabar dan tidak perlu memaksa ibu bapanya membeli gajet dengan segera.  – Fatimah boleh menggunakan kemudahan di pusat sumber sekolah  – Dia juga boleh meminjam gajet rakan-rakan.  – Fatimah juga boleh meminta jasa baik guru untuk mencetak nota-nota yang berkaitan.  <p style="text-align: right;"><b>[Isi cukup: 3]</b> <b>[Markah bahasa : 1 markah]</b></p> </p>	<p>2</p> <p>1</p> <p>1</p> <p>1</p> <p>1</p> <p>1</p> <p>1</p> <p>1</p> <p>1</p> <p>1</p> <p>1</p> <p>1</p> <p>1</p> <p>1</p> <p>1</p> <p>1</p>
<p><b>Soalan 7</b> <b>Petikan</b> <b>Sastera</b></p>	<p>(i) Maksud bagi rangkap kedua ialah penyair menggambarkan seorang perantau yang berkelana di negara orang namun sentiasa mengekalkan jati diri dan memperkenalkan bahasa ibunda sehinggakan orang lain turut menghormatinya.  <p style="text-align: right;"><b>[Maksimum markah: 2 markah]</b></p> </p> <p>(ii) Manfaat – manfaat yang diperoleh daripada aktiviti melancong  <b>Bahan 1</b> – Dapat memperkenalkan bahasa  – Menyebarkan ilmu ke peringkat lebih tinggi  – Menarik pelancong untuk datang ke tanah air</p>	<p>2</p> <p>1</p> <p>1</p> <p>1</p>

	<p><b>Bahan 2</b> – Dapat menerokai keindahan alam</p> <ul style="list-style-type: none"> <li>– Menyaksikan keunikan alam seperti empat rangkaian rentis yang sering dilalui oleh pengunjung taman negara iaitu Rentis Bukit Teresak, Rentis Sungai Tahan, Rentis Kuala Trenggan-Kuala Keniam dan Rentis Sungai Tenor</li> </ul> <p style="text-align: right;"><b>[Isi cukup: 2]</b> <b>[Markah bahasa : 1 markah]</b></p> <p>(iii) Peranan pelbagai pihak:</p> <ul style="list-style-type: none"> <li>– Masyarakat hendaklah sentiasa menunjukkan sifat positif</li> <li>– Media massa perlu terus mempergiat aktiviti promosi di pelbagai platform</li> <li>– Pengusaha IKS perlulah mempelbagaikan aktiviti perniagaan untuk menarik perhatian pelancong</li> <li>– Tambah baik pada sektor pelancongan juga perlu dipelbagaikan</li> </ul> <p style="text-align: right;"><b>[Isi cukup: 3]</b> <b>[Markah bahasa : 1 markah]</b></p> <p>(iv) Sebagai masyarakat yang cinta akan negara, cara saya untuk menarik minat rakan saya untuk melawati Malaysia:</p> <ul style="list-style-type: none"> <li>– Menceritakan keunikan tempat pelancongan di dalam negara</li> <li>– Berkongsikan promosi menarik kepadanya yang sangat menjimatkan</li> <li>– Mengajaknya untuk pergi bercuti bersama-sama</li> <li>– Menasihatkannya untuk menyokong tempat pelancongan tempatan</li> </ul> <p style="text-align: right;"><b>[Isi cukup: 3]</b> <b>[Markah bahasa : 1 markah]</b></p>	<p>1</p> <p>1</p> <p>1</p> <p>1</p> <p>1</p> <p>1</p> <p>1</p> <p>1</p> <p>1</p> <p>1</p>
<p><b>Soalan 8</b> <b>Novel</b></p>	<p>(i) Azraai bimbang terhadap Farisha kerana:</p> <ul style="list-style-type: none"> <li>– Minggu lepas ada kes pembunuhan tak jauh dari apartment tempat Farisha tinggal</li> <li>– Lelaki tersebut juga bekerja seperti Farisha, iaitu jurutera keselamatan sistem</li> <li>– Azraai kerap mencurigai orang tanpa usul periksa.</li> </ul> <p style="text-align: right;"><b>[Maksimum markah: 4 markah]</b></p> <p>(ii) Peristiwa-peristiwa yang menggambarkan nilai kasih sayang:</p> <p><b>(a) <i>Leftenan Adnan Wira Bangsa, karya Abdul Latip Talib</i></b></p> <ul style="list-style-type: none"> <li>– Pak Saidi yang menyayangi Adnan, Ahmad dan Amarullah telah mengajar mereka ilmu persilatan dan ilmu agama selain menghantar mereka ke sekolah Inggeris agar mereka mendapat pelbagai ilmu pengetahuan. Peristiwa ini menunjukkan nilai kasih sayang kepada golongan muda yang mahukan mereka memiliki ilmu pengetahuan tinggi.</li> <li>– Leftenan Adnan menghantar Sophia dan anak-anaknya pulang ke kampung apabila mendapat berita bahawa Jepun akan menyerang Singapura. Peristiwa ini menggambarkan nilai kasih sayang kerana pejuang tanah air bukan sahaja ingin menyelamatkan negara namun mahu memastikan keadaan anak-anak yang disayangi selamat.</li> </ul>	<p>1</p> <p>1</p> <p>1</p> <p>1</p> <p>3</p> <p>3</p>

SOALAN	JAWAPAN	Markah
	<p><b>(b) <i>Di Sebalik Dinara, karya Dayang Noor</i></b></p> <ul style="list-style-type: none"> <li>– Peristiwa Farisha amat menyayangi abangnya, Azraai dan dia menangis apabila mengetahui abangnya menghadapi masalah jantung. Peristiwa ini menunjukkan rasa sayang kerana Farisha cuba membuktikan hubungan yang baik antara adik dan seorang abang yang turut menyayanginya.</li> <li>– Peristiwa Marilyn atau Medina sangat sayang akan anaknya, Farisha. Dia bimbang anaknya akan mati jika uji kaji dan penanaman pelbagai ubat ke dalam badan oleh Karl tidak dihentikan. Marilyn melarikan Farisha daripada Karl. Peristiwa ini jelas menggambarkan kasih sayang seorang ibu dan menentang perbuatan suaminya.</li> </ul> <p><b>(c) <i>Jendela Menghadap Jalan, karya Ruhaini Matdarin</i></b></p> <ul style="list-style-type: none"> <li>– Peristiwa Ibu Lili menolong mengeringkan tubuh anaknya yang baru selesai mandi walaupun Lili sudah berusia 17 tahun. Ibu Lili juga mengusap-usap rambut Lili dalam usaha memastikan Lili rela hati mengikut permintaannya pulang ke kampung. Peristiwa ini menunjukkan perasaan kasih sayang seorang ibu yang tidak henti-henti mencurahkan kasih sayang kepada anak perempuannya.</li> <li>– Peristiwa nenek dan datuk yang begitu risau setelah Lili dilarikan ke dalam hutan oleh Haziq dan Rafiq. Setelah Lili diselamatkan, nenek melarang Lili keluar dari rumah tanpa sebab. Peristiwa ini menggambarkan nilai kasih sayang terhadap cucunya yang baru sahaja berdepan dengan masalah penculikan.</li> </ul> <p><b>(d) <i>Pantai Kasih karya Azmah Nordin</i></b></p> <ul style="list-style-type: none"> <li>– Peristiwa bapa Dr Raiha menyayangi anaknya itu apabila dia tidak mahu Dr Raiha mengahwini Dr Sadiz kerana Dr Sadiz tidak sesuai dengan Dr Raiha dan umur Dr Sadiz hampir sebaya dengannya. Peristiwa ini menjelaskan kasih sayang seorang ayah yang membantu dirinya membuat keputusan terbaik dalam hidup.</li> <li>– Peristiwa Dr Raiha yang enggan menggugurkan kandungan walaupun disuruh oleh suaminya Dr Sadiz kerana amat menyayangi anak yang dikandungnya itu walaupun didapati cacat. Peristiwa ini menunjukkan nilai kasih sayang kerana Dr Raiha menjelaskan perasaan seorang bakal ibu yang lumrahnya menyayangi anak.</li> </ul> <p><b>(e) <i>Songket Berbenang Emas karya Khairuddin Ayip</i></b></p> <ul style="list-style-type: none"> <li>– Peristiwa Dahlia amat menyayangi ibunya walaupun ibunya menghidap penyakit kemurungan. Peristiwa ini menunjukkan contoh terbaik daripada seorang anak yang perlu menjaga dan menyayangi ibu walaupun dalam apa-apa keadaan.</li> <li>– Peristiwa Dahlia sanggup keluar dari asrama semata-mata mahu menjaga adik-adiknya selepas ibunya dimasukkan ke hospital. Peristiwa ini menggambarkan kasih sayang seorang kakak yang sanggup berkorban apa-apa sahaja termasuk pendidikannya demi keluarga.</li> </ul>	<p>3</p> <p>3</p> <p>3</p> <p>3</p> <p>3</p> <p>3</p> <p>3</p> <p>3</p>

SOALAN	JAWAPAN	Markah
	<p><b>(f) <i>Tirani karya Beb Sabariah</i></b></p> <ul style="list-style-type: none"> <li>– Peristiwa Raidah, ibu Waheeda berusaha dan sanggup pergi ke Singapura semata-mata untuk menemani anak gadisnya itu menjalani pembedahan mata dan hidung di Silicon Medical Center (SMC), Singapura. Peristiwa ini jelas menunjukkan pengorbanan ibu terhadap anaknya yang tidak berbelah bagi.</li> <li>– Peristiwa Bazilah yang membenarkan Waheeda tinggal bersama-sama dengannya ketika berada di Singapura. Bazilah sentiasa menemani Waheeda ketika pergi ke hospital untuk mendapatkan rawatan. Peristiwa ini pula menunjukkan kasih sayang rakan yang tidak berkira dengan rakannya.</li> </ul> <p><b>(g) <i>Bimasakti Menari karya Sri Rahayu Mohd Yusop</i></b></p> <ul style="list-style-type: none"> <li>– Peristiwa Haji Yassir iaitu bapa Nurul Hafsa sayang akan anaknya Nurul Hafsa dengan memberikan nasihat kepada anak gadisnya itu sebelum pergi menelusuri sungai di Kampung Kuantan tanpa bapanya di sisi. Peristiwa ini menunjukkan kasih sayang seorang bapa kepada anak perempuannya.</li> <li>– Peristiwa Muhammad Taufik amat menjaga dan menyayangi alam sekitar sehingga sanggup membelanjakan wang yang besar untuk membina rumah mesra alam miliknya, iaitu Rumah TeknoAlam. Peristiwa ini memberi ajaran kepada kita untuk turut sama-sama menyayangi alam sekitar.</li> </ul> <p><b>(h) <i>Silir Daksina karya Nizar Parman</i></b></p> <ul style="list-style-type: none"> <li>– Peristiwa Cikgu Nizam sering menatap potret wajah anaknya, Aiman pada setiap malam kerana rindu akan anaknya itu. Cikgu Nizam kadang kala menangis akibat terlalu rindu akan anaknya itu. Peristiwa ini membuktikan kasih sayang seorang bapa terhadap anak yang sudah lama tidak berjumpa.</li> <li>– Peristiwa Peristiwa Haiqal sanggup ke Johor seorang diri untuk menjejak peninggalan arwah Abdullah bin Kayan walaupun Haiqal tidak mengenali sesiapa pun di sana. Peristiwa ini menunjukkan kasih sayang seorang anak terhadap ayah yang sudah lama tidak berjumpa.</li> </ul> <p style="text-align: right;"><b>[Maksimum markah: 6 markah]</b></p>	<p>3</p> <p>3</p> <p>3</p> <p>3</p> <p>3</p>
<p><b>Bahagian C</b> <b>Soalan 9</b> <b>Rumusan</b></p>	<p><b>Pendahuluan</b></p> <ul style="list-style-type: none"> <li>– Rumusan membincangkan manfaat-manfaat program 3K (Kebersihan, Kesihatan, dan Keselamatan) dan cara-cara untuk menyokong program 3K</li> <li>– Rumusan membincangkan manfaat-manfaat program 3K (Kebersihan, Kesihatan, dan Keselamatan)</li> </ul> <p><b>Isi-isi</b></p> <p><b>Bahan 1 (F1) –</b> Manfaat-manfaat program 3K (Kebersihan, Kesihatan, dan Keselamatan):</p> <ul style="list-style-type: none"> <li>– Mendidik dan memberi pengiktirafan kepada murid sekolah rendah serta menengah dalam usaha meningkatkan persekitaran sekolah</li> <li>– Menggalakkan lebih banyak penyertaan dan menerapkan nilai 3K kepada warga sekolah khususnya pelajar</li> <li>– Mengurangkan peningkatan masalah obesiti, pencegahan wabak seperti denggi dan kes membabitkan keselamatan pelajar</li> </ul>	<p>2</p> <p>1</p> <p>2</p> <p>2</p> <p>2</p>

SOALAN	JAWAPAN	Markah
	<p><b>Bahan 1 (F2)</b> – Cara-cara untuk menyokong program 3K:</p> <ul style="list-style-type: none"> <li>– Merebut peluang menyertai pertandingan yang dianjurkan bagi membuktikan kemampuan sekolah. 2</li> <li>– Guru yang diberi tugas perlulah bersungguh-sungguh dan menjalankan tanggungjawab tanpa mengira waktu siang atau malam. 2</li> <li>– Sekolah juga perlu banyak memberi tumpuan terhadap elemen perkembangan dunia masa kini yang lebih mudah dan pintar. 2</li> <li>– Sekolah-sekolah juga boleh memberikan tumpuan terhadap perkara yang mudah seperti perisian yang diletakkan dengan aspek 3K dan mendapati sistem berkenaan lebih mudah digunakan. 2</li> <li>– Sekolah juga hendaklah banyak menekankan kepada keunikan dan kelainan kaedah lama 2</li> </ul> <p><b>Bahan 2 (F1)</b> – Manfaat-manfaat program 3K (Kebersihan, Kesihatan, dan Keselamatan): 2</p> <ul style="list-style-type: none"> <li>– Memupuk budaya kebersihan persekitaran untuk kesejahteraan rakyat 2</li> <li>– Rakyat dapat diperkasa dalam penjagaan kesihatan sendiri 2</li> <li>– Memudahkan rakyat mengakses fasiliti dan perkhidmatan kesejahteraan kesihatan. 2</li> <li>– Memupuk budaya sihat dengan meningkatkan kesihatan rakyat. 2</li> </ul> <p><b>Bahan 3 (F1)</b> – Cara-cara untuk menyokong program 3K:</p> <ul style="list-style-type: none"> <li>– Melaporkan sebarang perkara yang berkaitan keselamatan kepada pihak berkepentingan. 2</li> <li>– Pemilik bangunan perlu diberitahu tentang aspek kebersihan 2</li> <li>– Jangan bertangguh dan mengambil tindakan secepat mungkin. 2</li> </ul> <p><b>Kesimpulan</b> Kesimpulannya, program 3K perlu disokong oleh semua pihak agar kesihatan dan keselamatan negara semakin baik. 2</p>	
	<p><b>[Maksimum markah: 30 markah]</b></p>	

**Bahagian A : Taksiran Individu**

- 1 Contoh-contoh jentera moden untuk pertanian ialah jentera membajak sawah, dron untuk meracun dan jentera menuai padi.
- 2 Kelebihan yang diperoleh daripada penggunaan mesin jentera padi ialah para petani dapat menghasilkan hasil tanaman dengan banyak di samping menjimatkan tenaga dan masa. Di samping itu, Penggunaan jentera mesin juga dapat meningkatkan kuantiti dan kualiti dengan cepat dan mudah.
- 3 Manfaat-manfaat yang diperoleh daripada penggunaan teknologi tersebut ialah, teknologi pertanian ini dapat membantu para petani untuk meningkatkan pengeluaran mereka dalam jangka masa yang pendek. Pada suatu ketika dahulu, sebelum sebarang teknologi pertanian diperkenalkan, masa yang lama diperlukan bagi mendapatkan tanaman. Namun demikian, kini pelbagai jenis tanaman dapat dinikmati oleh kita tanpa mengira musim ataupun masa. Sebagai contoh, negara Malaysia merupakan antara negara pengeluar minyak sawit yang terkenal. Melalui penggunaan jentera untuk memungut hasil buah kelapa sawit memudahkan urusan pekerjaan harian para petani. Di samping itu, Sains dan teknologi juga menyumbang kepada kaedah penyimpanan dan pembungkusan. Perkara ini membantu manusia dalam mengawet hasil pertanian mahupun bahan lain supaya tahan dengan lebih lama. Dalam era serba moden ini, terdapat pelbagai ciptaan yang telah dihasilkan bagi memastikan proses penyimpanan dan pembungkusan yang lancar. Selain itu, teknik pembungkusan yang menggunakan kaedah vakum juga dapat memastikan mikroorganisma atau bakteria tidak dapat membiak dan merosakkan hasil tanaman. Oleh itu, jelaslah bahawa sains dan teknologi mampu memberikan sumbangan yang besar kepada negara dalam bidang pertanian.
- 4 Pada pendapat saya, peranan pelbagai pihak dalam membantu memajukan sektor pertanian di Malaysia ialah pihak kerajaan menyediakan bantuan atau dana tambahan kepada golongan petani. Dalam konteks ini, pihak kerajaan seyogianya membantu golongan petani dari segi kewangan agar golongan petani dapat membeli biji benih yang berkualiti tinggi sekali gus mampu mengeluarkan hasil pertanian yang banyak. Selain itu, pihak kerajaan juga boleh menyediakan peralatan-peralatan moden yang berteknologi tinggi khususnya kepada golongan petani. Hal ini akan membuatkan golongan petani dapat bekerja dengan lebih mudah, cepat dan pantas. Sebagai contoh, para petani boleh menggunakan mesin membajak sawah dan mesin menuai padi sehingga mampu mempercepatkan proses menuai hasil tanaman. Di samping itu, pihak kerajaan juga perlu menggembleng tenaga dalam usaha untuk memasarkan hasil pertanian para petani. Strategi pemasaran daripada kerjasama dengan Lembaga Pemasaran Pertanian Malaysia (FAMA) juga dilihat sebagai satu usaha yang proaktif dalam membantu golongan petani memasarkan hasil pertanian mereka. Dalam pada masa yang sama, pasar tani yang diwujudkan oleh FAMA mampu membantu para petani meraih keuntungan yang besar kerana tidak melibatkan orang tengah dalam urusan jual beli hasil pertanian mereka.

**Bahagian B : Taksiran Kumpulan**

Dalam dunia yang dilingkari kemajuan sains dan teknologi ini, hampir setiap hari kita diperkenalkan dengan teknologi baharu hasil daripada inovasi yang dilakukan. Inovasi membawa maksud kepada idea atau kaedah baharu yang tidak pernah dilakukan oleh sesiapa. Hakikatnya, inovasi juga membawa maksud sebagai solusi yang diperkenalkan bagi menyelesaikan masalah yang timbul secara berkesan. Oleh hal yang demikian, marilah kita bersama-sama menelusuri manfaat-manfaat inovasi ini dalam kehidupan kita semua secara lebih rasional.

Sebagai lontaran idea yang pertama, manfaat inovasi dalam kehidupan adalah dapat membantu meningkatkan kualiti hidup manusia sejagat. Hal ini dikatakan demikian kerana, kita telah hidup dikelilingi dengan hasil inovasi yang pelbagai dan memakan masa yang lama. Tamsilnya, peralatan-peralatan elektronik yang kita nikmati pada hari ini memudahkan kita menyiapkan urusan rumah tangga terutamanya kepada golongan ibu bapa seperti penggunaan mesin mencuci pinggan dan penyedut hampagas. Justeru, setiap inovasi yang kita nikmati hari ini telah membantu kita menjimatkan masa untuk menyelesaikan sesuatu pekerjaan kerana masa itu emas. Impaknya, kualiti kehidupan masyarakat akan bertambah baik kerana setiap pekerjaan yang dilakukan dapat disiapkan dalam jangka masa yang singkat. Oleh sebab itu jelas terbukti kepada kita bahawa kualiti hidup manusia sejagat mampu ditingkatkan dengan adanya inovasi.

Menelusuri idea yang seterusnya, inovasi dapat membantu membuka pasaran baharu dalam ekonomi dunia. Sedar atau tidak bahawa kerancakan penggunaan media sosial telah melahirkan pasaran yang baharu dan inovatif kepada masyarakat kita. Masyarakat lebih memilih untuk menggunakan pembelian secara dalam

kerana mereka tidak perlu keluar rumah dan hanya menunggu produk yang diinginkan dihantar ke kediaman masing-masing. Tambahan pula, pasaran baharu dapat memberikan pilihan kepada pengguna untuk membeli produk dengan harga yang jauh lebih murah berbanding pembelian di kedai serbaneka. Misalnya, dengan hanya menggunakan aplikasi Shopee dan Zalora, masyarakat dapat membeli pelbagai pilihan barangan seperti pakaian, alat penjagaan kesihatan kulit wajah dan lain-lain lagi. Oleh hal yang demikian jelas terbukti bahawa, inovasi membantu mencipta dan memberi keseimbangan kepada pasaran produk yang dihasilkan.

Rentetan daripada huraian di atas, manfaat yang diperoleh daripada inovasi adalah dapat memelihara ekosistem dan alam sekitar. Menyedari hakikat ini, inovasi dilihat sebagai satu langkah yang proaktif untuk memulihara alam sekitar. Sebagai contoh, masyarakat boleh mencipta inovasi-inovasi yang baharu daripada bahan-bahan kitar semula seperti kertas, aluminium dan botol-botol plastik untuk menghasilkan pelbagai barangan kraf tangan yang lain seperti pasu bunga, alat-alat yang digunakan untuk menanam sayur-sayuran dan pelbagai hasil kraf tangan yang lain. Di samping itu juga melalui inovasi, sumber tenaga baharu seperti penggunaan panel solar turut mendatangkan impak yang berkesan kepada masyarakat kerana mampu menjimatkan sumber tenaga elektrik. Implikasi daripada penggunaan bahan-bahan baharu ini dilihat sebagai batu loncatan ke arah kelestarian alam sekitar. Natijahnya, setiap inovasi yang dicapai pada hari ini adalah demi kebaikan kita dan juga generasi akan datang.

Akhir sekali, inovasi memberikan manfaat dalam kehidupan kerana dapat mengurangkan risiko terhadap kebergantungan kepada tenaga kerja manusia. Hal ini dikatakan demikian kerana revolusi industri yang kian pesat telah mengubah masyarakat kini mencipta peralatan-peralatan canggih yang mampu memberikan kemudahan dalam semua bidang. Sebagai analoginya, suatu ketika dahulu, pembayaran tol di lebuh raya masih menggunakan perkhidmatan manusia, namun kini tidak lagi apabila di setiap laluan tol telah menggunakan mesin dan pembayaran tol hanya menggunakan kad yang dipanggil 'Touch and Go'. Kesannya, melalui inovasi penghasilan pembayaran melalui 'Touch and Go' ini mampu mengurangkan kesesakan lalu lintas terutamanya pada waktu-waktu puncak. Jelas terbukti kini bahawa melalui inovasi dapat mengurangkan kebergantungan kepada tenaga kerja manusia sekali gus mempercepatkan segala urusan seharian.

Sebagai penutup bicara, pelbagai manfaat yang diperoleh dalam kehidupan masyarakat pada hari ini hasil daripada inovasi. Oleh itu, semua pihak perlu membudayakan amalan inovasi dalam kehidupan harian agar bertambah maju serta kekal relevan. Kerancakan ekonomi dan globalisasi hari ini menjadi kayu pengukur kemampuan kita untuk duduk sama rendah, berdiri sama tinggi dengan negara lain. Pihak kerajaan memainkan peranan penting dalam memastikan dasar-dasar yang diperkenalkan mempunyai unsur inovasi serta memberi manfaat yang efektif kepada seluruh rakyat Malaysia. Semoga inovasi yang kita kecapai hari ini membawa kita untuk mencapai kemajuan sejagat seiring dengan negara-negara maju yang lain ibarat duduk sama rendah berdiri sama tinggi.

#### KERTAS 4

##### PETIKAN PERTAMA

- 1 Angel
- 2 Di perpustakaan
- 3 Setiap perkataan yang dia ucapkan jelas dan lancar.
- 4 – Keluarganya menggalakkannya membaca buku-buku bahasa Melayu yang bermutu.  
– Di samping itu, dia mempelajari tatabahasa dengan baik.  
– Dia selalu membuka kamus untuk mempelajari ejaan dan makna kata-kata yang dibaca  
– Dia melatih dirinya menggunakan bahasa baku apabila membaca atau bercakap.  
(mana-mana dua jawapan di atas)
- 5 Sama-samalah kita belajar menguasai bahasa kebangsaan negara kita.

##### PETIKAN KEDUA

- 1 C
- 2 Cara untuk menghilangkan lenguh-lenguh badan dan cara untuk membunuh kutu kepala.
- 3 Rebus beberapa tangkai bunga betik jantan dengan air. Minumlah air rebusan tadi, sehari dua kali pada waktu pagi dan malam.
- 4 ambil sedikit kerak nasi dan rendamkan dalam air suam. Apabila kerak nasi sudah kembang, minum airnya. Amalkan setiap pagi.
- 5 Ella

### **PETIKAN KETIGA**

- 1 Merah
- 2 Kasut sekolah tak pakai, baju sukan tak bawa.
- 3
  - Dia tidak pernah membantah kata-kata guru.
  - Dia tetap patuh tanpa banyak soal.
  - Ahmad tidak pernah ponteng.
  - Kegigihannya memang ketara.  
(mana-mana dua jawapan di atas)
- 4 Jangan buka-buka kasut ini selagi kamu tidak beli kasut baru.

### **PETIKAN KEEMPAT**

- 1 **D**
- 2
  - Berpunca daripada loji rawatan kumbahan dan pelepasan sisa perindustrian.
  - Kewujudan kilang haram serta kawasan perumahan setinggan di kawasan rizab sungai
  - Pertambahan penduduk  
(mana-mana dua jawapan di atas)
- 3 **B**
- 4 Akta Kualiti Alam Sekeliling 1974 (AKAS 1974)
- 5 mempunyai kesedaran yang tinggi terhadap penjagaan alam sekitar.
- 6 Pertubuhan bukan kerajaan (NGO) dan persatuan penduduk atau masyarakat.